

ANTONII SANDERI
PRESBYTERI

S. Theologiæ Licentiat
DE

BRUGENSIBVS
ERVDITIONIS
FAMA CLARIS

Libri duo,


AD

AMPLISSIMVM ET PRVDENTISSIMVM
REIP. BRUGENSIS SENATVM.



ANTVERPIÆ,
APVD GVLIELMVM A TONGRIS
M. DC. XXIV.





3

AMPLISSIMIS AC NOBILISSIMIS
VIRIS

I A C O B O P A R D O

Equiti, Domino de Fremicourt,

A D O L P H O A M A L D E G H E M


Equiti, Domino de Leyfchot,
Oetfel, &c.

C O S S.

Toriq̃ue Brugenſis Reip.

S E N A T V I

A N T O N I V S S A N D E R V S D D.

VI ciuitatem veſtram Athenas Belgicas nominauit, is proſectò ex animi mei ſententia verum dignumq̃; Brugenſi præſtantiâ elogium fecit. nam vt illæ olim inter omnes Græcæ ciuitates doctrinâ ſtudiisq̃ue bonarum artium maximè celebres fuère: ita ſi parem Reip. veſtræ
A 2 laudem

laudem tribuamus, nec vani erimus, nec absurdi
 Encomiastæ. Eximia est Brugis templorum ma-
 iestas, ædificiorum priscas opes, veteremq; magni-
 ficentiam adhuc testantium amplitudo, pulchra
 deniq; totius urbis symmetria. Ea alij, & suo qui-
 dem merito: ego illis omnibus pulchriora erudi-
 torum hominum ingenia semper admiratus sum.
 Neque ab ulla re ciuitatem vestram (si pretiosum
 illud omnibusq; mundi ornamentis præfere-
 dum pignus, SACROSANCTVS videlicet DOMINI
 CRVOR, cum vestratibus Diuis excipitur) com-
 mendandam magis existimaui. Eam itaque in-
 geniorum vestrorum elegantiam & posteritas
 sciat, viros hosce liberalibus disciplinis claros,
 scientiâq; tum sacrâ tum profanâ insignes, la-
 bore non modico passim ex monumentis tum
 editis tum manuscriptis quæ fidem merentur,
 conquisitos, numero non paucos in duos libros
 compegi, atque Amplitudini vestræ sacros, non
 infelicibus spero auspiciis, in lucem publicam
 abire permisi; Vos eos quæso optimi *Consules*,
 Vos optimi *Senatores*, hilari vultu, animoque
 beneuolo, in curiam vestram laudabilibus factis
 illustrem venientes excipite, atque vti inprimis

5
iis artibus clarum, à quibus hi commendantur,
Magistratum decet, vestro patrocinio, ac liberali
tutelà dignos æstimate.

ELOGIA ALIQVOT CIVITATIS BRVGENSIS.

FATERI debemus, BRVGÆ vestræ Belgij nostri Sidus
sunt, pariter vt olim Græciæ oculus Athenæ. Nusquam
à multis annis ingeniorum felicior prouentus, nusquam
doctrinæ vberior seges. In qua eruditorum luce vos Laurini
fratres sic eminetis.

„*Ut pura nocturno renidet
Luna mari Gnidiúsque Gyges.*

Iustus Lipsius lib. 2. Epistolicarum Quæstionum
ad Marcum & Guidonem Laurinos fratres
Epistolâ primâ.

A L I V D.

*Magna virûm mater, Morinûm Regina, superbo:
Penè supercilio Bruga propinqua polo.
Materies famæ Flandrorum à merce celebri
Exposita eis nuper & occiduis..*

*Nec priscâ iam laude minor, licet aspera bello
 Passa diu, & regni parte minuta sui.
 Crescit ab infestis detonsa securibus ilex,
 Maior ab aduersis pontica virgo malis.
 Scilicet & belli pacisque tot inclytâ lauris
 Inuictos animos vrbs ea tanta gerit.*

A L I V D.

*Amne Riâ, lare, merce, foro, duplicique Senatu
 Et populo, & clero Bruga decora suo est.
 Tota nitens, lateque potens, magne amula Gande.
 Et par, ni paribus destituatur aquis.
 Cetera inexhausto ingeniorum fonte redundans,
 Cedere Parisiis vel tibi Roma neget.*

Maxæmilianus Vrientius.

*Multas Bruga aliis exæquat dotibus vrbes :
 At cunctas antest dotibus ingenij.
 Testes tot passim trifidum celebrata per orbem
 Nomina, vel potius numina, quæ peperit, &c.*

D. B. in librum Arithmeticæ Simonis Steuini
 Mathematici Brugenſis.

*Amæna princeps urbium Venustarum,
 Quascunque Belga sol tuctur, ac lustrat,*

Aquosa

Aquosa Bruge, magna mater & nutritrix
 Æternitatis, officina Musarum,
 Domus leporis, elegantia sedes,
 Taberna comitatus, hospitum portus,
 Suavis, diserta, perpolita, sal tota.
 Quam prona adorat vultibusque submissis
 Gens litterata, gens ubique diffusa,
 Et ordo non plebeius eruditorum:
 Cui non benignâ certet ingens laude,
 Largaque messe, copiaque Doctorum
 Urbs Celtibera, non Libyssa, non Graia,
 Non cui patrima nomen imputat Diua,
 Non Imperatrix ipsa gentium Roma,
 Potens alumnis, quasque possident vsquam
 Remi nepotes & potentis Æneæ,
 Non ciuitatum quidquid est remotarum,
 Sub axe nostro, vel sub axe non nostro.
 Hæc inuidendas iactet urbium sedes,
 Aptasque celo nubiumque riuales
 Miretur arces, mercimonis felix
 Sit hæc vel illa. Tu Pamelios Diua,
 Fruteriosque, nobilisque Ranardos,
 Damhouderosque, tu Metkerckios iacta,
 Vulcaniosque, Curtiumque non vnum,
 Tu Giselinos, Modiosque, Tu Nansi
 Iacta labores cum laboribus Cruqui,

Meosque amores dulce Lernuti pectus,
 Cui vitam Hyella, cui cupidinum tela
 Debent ocelli, cui lepos Dionæus
 Et basiorum suauolentium nectar.
 Tu transmarinis artibus Pelasgorum
 Linguaque tinctum pectus acre VVynardi,
 Pluresque, quos laus consecrauit, & fama
 Æuo nepotum saculoque venturo
 Quot aut arenas voluit vnda vel fluctus.
 His Diua, si quid nostra tinniet pulcrum,
 Et audiendum nota posteris Musa
 Dignumque laudis Heynsium licet iungas.
 Quem tu benignâ comitate, vi blandâ,
 Lenique nexu, nec solubili vinclo
 Humanitatis & lubentia cuncta
 Sic mancipatum Diua, sic tenes vincitum,
 Et cæterarum quidquid Urbium est vsquam,
 Sit inquilinus, debito tuus Cuius.

D. H.

ANTO.

9

ANTONII SANDERI
DE
BRUGENSIBVS ERVDI-
TIONIS FAMA CLARIS.

Liber Primus.



DAMVS MANDERIVS Patriâ Brugenſis, ſe-
rie quidem litterariâ primus, ſed & erudi-
tione non poſtremus hic occurrit, vir oris
rotundi, acriſque ingenij Philoſophus. Quî
artem medicam apud Gandaucenſes exer-
cens, multas ibi *Ephemerides Meteorologicas* ad
latitudinem quinquaginta vnius graduum collatas Latino
ſermone compoſuit, & in lucem emiſit, Matheſeos ac Hi-
ſtoriarum ſtudioſiſſimus.

ADEODATVS A MARIVORDA Patritius Brugenſis, Poë-
ta, eleganti ſtilo in vtraque lingua *Carmina* quadam euulga-
uit. Lectu dignum Epitaphium ab Adeodato ſcriptum
in Æde B. Mariæ Virginis Antuerpienſis conſpicitur, in
laudem Æneæ à Mariuorda patruelis ſui. Quod quia cate-
ris eius Opusculis coniunctum non eſt, hîc adponi potuit.

Quis ſim, quis olim denique

Viuens fui, requiris Hoſpes optime?

Sum pulvis olim nobilis,

Dum fata vitam haud inuident ſuperſtiti,

B

Belli,

*Belli, togæ, domi, foris,
 Heroas inter splendidos haud infimus
 Et miles, & Dux agminis.
 At fortè nomen, & genus quæsiueris,
 Et patriam ? de nomine
 Respondeo, quod Cypridis quondam fuit
 Nato Creusæ coniugi,
 Idem parentes indidere Infantulo.
 Vocatus Æneas fui.
 Gens Mariuorda originem mihi dedit
 Antiquitate splendida.
 Brugis in auras me parens primùm tulit
 Herois inclyta, & pia.
 Quid sum, quid olim, vel potius nuper fui,
 Scis hospes, at tu quis sies,
 Tenebris situs nequeo quidem cognoscere :
 Sed tu teipsum noueris.*

ADOLPHVS MEKERCKVS, vulgò Meetkercke,
 Patritius Brugensis, à veteri pago gentilitio, (qui me-
 dio fere itinere inter Brugas & Blancobergam situs est)
 sic dictus. Franconatium olim Quæstor, ac Pensionarius,
 antiquitatum eruditus scrutator, etiam Iuriconsultus,
*Moschi & Bionis Idullia scholijs illustrauit, reddidis & carmi-
 ne Latino Theocriti Syracusani Epigrammata : scripsit etiam
 De veteri & recta pronuntiatione Lingua Græca Commentarium.*
 Post Desid. Erasmus & Chæcum Anglum, qui cum Appen-
 dice de accentibus Græcorum Brugis excusus est apud Huber-
 tum

tum Goltzium. *Carmen venustum* præfixit Theatro illi amplissimo Abrahami Ortelij Geographi Regij. Legationes aliquot obiuit pro Belgij Ordinibus ad Serenissimum Principem D. Ioannem Austriacum, & anno 1580. à Francisco Duce Alenconio Belgicas ditiones per summum nefas sibi vindicare conante, Præses Flandriæ constitutus; tandem Londini in Anglia anno 1591. mense Nouembri fati munus impleuit. Dogmatis, eheu! Caluiniani fascino dementatus. Sic de eo Harduinus; aliter tamen Valerius Andreas, & in hunc modum: Obiit Adolphus Metkerckus an. 1591. prid. Non. Octob. Londini in Anglia, quò rerum paulatim in Flandria potiente Alexandro Parmæ Duce pertæsus barbarum secesserat, moriensq; scripto testatus est, veram Religionem non esse extra Catholicam Ecclesiam Romanam, præsentem filiâ, quæ monitu eiusdem Brugæ natale in solum rediit.

ADRIANVS CHILIVS MALDEGHEMIVS Flander Brugis ad D. Donatianum ludi primùm litterarij Magister, pòst Patroecus: Græcè Latineq; in primis peritus versu Latino feliciter reddidit *Aristophanis Plutum, item Luciani podagram posteriorem*, Antuerpiæ apud Hillenium 1533.

ADRIANVS ISEBRANDVS Brugenfis, Gerardi Davidis pictoris Veteraquensis discipulus fuit, in nudis corporibus, & vultibus humanis delineandis egregius. Memoratur à Dionysio Harduino in suo de Scriptoribus Pictoribusque Flandriæ volumine msc.

ADRIANVS LAPIVS Brugenfis elegantis ingenij Poëta, *varij generis Versus*, tam Græcos quàm Latinos edidit, ad annum 1580. vixit.

ADRIANVS SCRIECKIUS RODORNIUS, Patriâ Brugen-
sis, at qui longâ habitatione, & variis magistratibus pro-
bè gestis etiam Iprensium Catalogo adnumerari possit. Iu-
uenis in Galliam profectus, Philosophiæ ac Iuri Lutetiæ
operam dedit, Laureamque adeptus adhæsit viris ibi claris
Errico Mennio, Cuiacio Fomerio, Pitthæis fratribus, aliisq;.
Ad suos reuersus Gerardo Hornano Bassinij, & Nicolao
Montmorancæio Stegræ Comitibus mox innotuit, &
Cassetanam, Stegrensem, Bassemiam ac Locressem Præturas
gessit, post Ipris egit in otio Litterato & negotio publico
Serenissimis Principibus à Consiliis. edidit opus varium ac
nouum *Originum Celticarum ac Belgicarum libris xxij.* com-
prehensum cum duplici indice, quo docet linguam Celti-
cam (quam & Iapheticam, Teutonicam, Cymbricam, Scy-
thicam vocat) Latina, Græca, Chaldeaque antiquiorem
esse, adeoque has ex illa ortas, Celticam verò ab Hebraica
lingua primogenia secundam esse, & solâ Dialecto distare,
atque huic paradoxo suo firmando *Monita secunda siue Euro-
pam rediuiuam libris quinque & aduersaria scripsit*, omnia Ipris
edita typis Francisci Belletij auctoris curâ & impensis. Ob-
iit in patria 1621. die 22. Decembris, apoplexiâ cor-
reptus.

ADRIANVS BALTIN Franconatium Pensionarius, poli-
tiorum litterarum ac ciuilibus disciplinæ peritiâ clarus. Scri-
psit *Orationem in funere Serenissimi Principis Alberti Austriaci*,
eamque coram Præsulibus & Magnatibus vrbis Brugen-
sis, dum iusta eidem Principi fiunt, dixit in templo Fra-
trum Minorum Brugis. Excudit Gandaui Ioannes Lapi-
danus.

ADRIANVS STRATIUS I. C. in Franconatu Flandriæ
etiam

etiam Pensionarius, vt vocant, pōst Dammi vrbis Praefectus. edidit Iuuenis Norimbergæ *Poëmata* quædam ad amicos, in quibus & Orationis Dominicæ explicatio, & piæ aliquot preces, vt aſſerit Valerius in Bibliotheca.

ADRIANVS BURCHIVS, vulgò VANDER BURCH, Patricius Brugenſis ampliffimi viri Ioannis in Sanctiore Concilio Præſidis frater germanus, ac Senatus Traiecti inferioris ſcriba *Laudes Illuſtriſſimæ Hieronymæ Columnæ* Aſcanij Cōhunnij & Sanæ Arragoniæ filiæ *vario genere Carminum* à diuerſis Poëtis Italis potiſſimum celebratas diligenter *collegit*, & cum aliquot *Miſcellaneis ſuis Poëmatibus* Antuerpiæ apud Chriſtophorum Plantinum 1592. excudi curauit. Idem *Epigrammatum ſacrorum centurias duas* cōpoſuit 1590. cui 1591. tertiam adiunxit. *Valerium Maximum* emendauit: prodiit & *Adriani Farrago piarum ſimilitudinum*, cui ſub finem additus in laudem Chriſti reſurgentiſ hymnus *Paſchalis*. Eiufdem *charitas ſiue ſylua piorum amorum*, impreſſa Lugduni Batauorum 1595. Alius item liber cui titulus *Fides & Spes*. Anno demum 1599. apud Raphelengium *Pia Decatiſcha ſiue ſententiarum & exemplorum Centuria tres*. Frater etiam Adriani fuit Lambertus vander Burch Decanus Vltraiectenſis, vir prudens ac litterarum ſtudioſiſſimus, è cuius inſigni Bibliotheca Iuſtus Lipſius fatetur alibi habuiſſe ſe ſtorum mſc. in quem poſt Eliam Vinetum & Stadium commentatus eſt. Recenſuit & Petri Apollonij Preſbyteri Nouarienſis *De excidio Hieroſolymitano Lib. IV.*

ADRIANVS WILLAECTVS Brugenſis apud Venetos Muſicus Iacobi æmulus, compoſuit *Suauiſſimas cantiones, trium, quatuor, & quinque vocum*. prodiit & eius *Muſica noua* 3. 4. 5. 6. & 7. vocum, Venetiis apud Anthonium Gandauum

anno 1599. celebratur versibus Adriani Scolekij Poëtæ Bataui.

ÆGIDIVS CLAISSONIVS Pictor, Domesticus Alexandri Farnesij Parmæ & Placentiæ Ducis, exinde Archiducis Ernesti, Petri Euriques Comitis Fontani, & demum Sere-
nissimorum Archiducum Alberti & Isabellæ Belgij Principum. duos habuit fratres, Petrum & Antonium in arte etiam excellentes. Memoratur à Dionysio Harduino in msc. Catalogo eruditorum & præstantium Virorum Flandriæ.

ÆGIDIVS BARBITONSORIVS Ordinis Minorum Episcopus Sareptanus & Tornacensis suffraganius, sacrę Theologiae Professor Parisiensis, vir virtute ac eruditione clarus, natione Brugensis. Obiit Brugis in Conuentu sui Ordinis, anno 1514. 27. Martij, in Choro ante Cantorum stationem humatus. Ex manuscr. eiusdem Monasterij monumentis.

ÆGIDIVS SCONDONCHVS Societatis IESV Sacerdos Theologus, Duacensi in Academia publicè professus, Rector Collegij Anglorum Societatis IESV Audomaropoli, vertit studiorum Antuerpiæ Præfectus *Sicam Tragicam* solutâ numeris oratione ex Apologia P. Francisci Costeri aduersus calumnias Lugdunensium Batauorum in Societatem. Meditatur opus ingens magnæque expectationis admirandorum sæculi vnus. Ita Ribadeneira.

ÆGIDIVS WALLIVS Doctor Theologus & Professor in Academia Louanienſi, dedit *Paraneſin antiquitatis ad novos fidei Sectarios*, typis Ioannis Maſij 1595. Item *Orationem*

nem de vera Ecclesia posteritate, ibidem 1599. Decessit Louanij 1603. 28. Octob. Elatus ad Diui Petri, qua in Aede Canonicum beneficium obtinebat.

ÆGIDIUS GHISPERIUS Minorita professione, & natione Brugenſis, Lector Theologus acutus, omniumque quos noſtrâ ætate vidit Prouincia ſacundiſſimus Orator. In Prouincialibus Capitulis, in Episcoporum Synodis, in Sacerdotum congregationibus, tantâ verborum ſuauiſſimâ ſententiarumque grauitate perorauit, vt omnium animos, oculos & amorem in ſe conuerteret, ſibiſque dicendo conciliaret. Anno autem 1569. diſertum illud os obmutuit.

ÆGIDIUS WYTSIUS Iuriſconſultus Brugenſis, patrio Senatui à Conciliis, ac Ioannis Wyſij Iuriſconſulti Præpoſituræ ſancti Donatiani ab Actis frater conſilium commentus eſt *De continendis & alendis domi pauperibus ac in ordinem redigendis validis mendicantibus*, quod Petro Curtio Episcopo, & Ampliſſimo Brugenſium Senatui dedicatum, impreſſit Syluius Antuerpiæ anno 1562. Cui Concilio obnitens F. Laurentius à Villa Vicentio Xeceſanus Doctor Theologus ac Auguſtinianus Eremita, Brugis Flandrorum celebris concionator anno 1564. emiſit librum hoc titulo: *Oeconomia ſacra circa pauperum curam à Chriſto inſtituta, Apoſtoliſ tradita, & in vniuerſa Eccleſia inde ad noſtra vſque tempora perpetuâ Religionē obſeruata*, cum quarundam propoſitionum quæ huic Oeconomix aduerſantur conſutatione. Scripſit idem Wyſius *Commentaria in Andrea Dominici Flocci Florentini de Magiſtratiſbus Romanorum Librum*, qui liber hætenus L. Fenestellæ adſcriptus fuit, *Pomponij item Latij, Raphaëlis Volate.*

Volaterani & Henrici Bebelij eiusdem argumenti libelli ab eodem Wythio accuratè castigati sunt. Exstant eiusdem Wythij elegantia Carmina contra illud Philippi Beroaldi Senioris, veras esse Imagines ex litteris, vanas & otiosas ex numismatibus. Deceffit in Curia Flandriæ Consiliarius ab Ordinibus Belgij creatus.

ALEXANDER COLONAEVS I.C. & Poëta Brugenfis. Eius varia exstant *Carmina Latina*, fertilis ingenij & exercitati monumenta.

ANDREAS HOIVS Brugenfis, primùm litterarum Græcarum, exin Historiæ & humanitatis in Academia Duacensi Regius Professor, scripsit Tragœdias sacras, quibus titulus est *Matthaus & Machabeus* line constantia. Eas Duaci excudit Ioannes Bogardus 1587. scripsit & *Epitaphia quædam*, item in *Ezechielem Prophetam paraphrasin poeticam libris sex*. Accesserunt *Orationes tres*, prima de *Mardochei constantia*, altera de *fœdere Iuda Machabæi cum Romanis*, tertia de *Pharisaïs, veteri apud Iudaos secta*. Paratur & à fœcundo viri ingenio opus vastum, historia videlicet *sacra & profana ab orbe condito ad Christi natalem*. Multæ eius in schedis latent orationes, historicæ & Philosophicæ: prodiit & eius liber *Orthopæia*, siue de genuina pronuntiatione linguæ Græcæ & Latinæ post Metkerckum & alios; funebris item *Oratio in laudem Alberti VII. Austriaci*, Belgarum, eheu! nuper optimi & benignissimi Principis. Edidit & *Orationes tres*, in quodlibeticis Duaci quæstionibus pronuntiatas. Prima est *de noua apud Europæos Monarchia*. Altera de *Gallicanis Capetiæ stirpis regibus*. Tertia de *Gentis Urbisq; Atrebatum laudibus*. Accedunt his *Be-tunia & Duacum* breui descriptione illustratum, item pro *Criticis Apologia*, & pro *Gregorio VII. Pontifice Max. aduersus septimum*

Septimum Florentem Christianum. Gasparis Loarti Meditationes de Gallicis quoque Latinis fecit. Franciscum item Ariam de imitatione B. Mariæ descripsit, & vitam Iacobi de Vitriaco, item Prouerbiales formulas à Tertulliano vsurpatas explicauit cum Pamelio editas.

ANDREAS KETELLIVS Brugenſis I. V. Doctor, Eques auratus, & in inclyto Flandriarum Comitio cauſarum Patronus, Poëta & Orator politus, complureis Louanij, Duaci, & in alijs Galliarum ac Italiæ ſtudiorum generalium Vniuerſitatibus habuit Orationes publicè, cum auditorum eximio adplauſu, funebres pleraſque, quarum non paucis interſuiſſe ſe dicit Dionyſius Harduinus, excultam viri memoriam, ſacundam dictionem & doctam pariter actionem ſemper, vt ait, admiratus. Scripſit *Tragædiæ Aldenardina* *περιοχὴν* ad Ampliſſimum Præſulem Dominum Giſſennum Timmermannum, Abbatem Diui Petri in monte Blandinio; id argumentum Aldenardi ædi Iacobi Eytzwertij præfigitur, cui Elogium præfati Eytzwertij ab eodem Ketellio adnectitur. Scripſit & *Orationes Alexandrinas*, in laudem videlicet Alexandri Farnęſij Parmæ & Placentiæ Ducis, Belgicarum Ditionum Gubernatoris.

ANSELMVS BOETIVS, vulgè de Boodt, Cæſareæ aulæ interioris Medicus, reliquit opus *de Gemmis & Lapidibus* cum figuris, Francofurti typis Marnij anno Domini 1609. Scripſit & *Iſagogen in Symbola Diuina & humana*, Iacobi Typotij Pragæ edita apud Ægidium Sadelerium anno ſæculari, ex Muſæo Octauij de Strada.

ANTONIUS CLAVA vulgò Colue, Brugenſis, in Curia Flandriæ Senator, vir egregiè eruditus, ac trium Linguarum callentiſſimus, Eraſmo Roterodamo perquàm familiaris, cuius ad illum & illius ad hunc viciffim multæ exſtant Epistolæ; eſt & vna Eraſmi ad Ludouicum à Flandria Prati dominum, Praefectum Gandenſem, vbi in hunc modum de Claua indicat: Antonius, inquit, Claua frequenter ad me ſcribit, nec vllò in argumento illum deſtituit mirabilis illa ſuadela, quam ipſi natura inſitam, auxit vſus & eruditio. Eſt & alia eiufdem Eraſmi Epistoſa Baſileæ ſcripta Kalend. Febr. 1529. ad Carolum Vtenhouium, vbi hunc Clauam ſenem quidem ætate, ſed animi bonis omnibus vernantem appellauit.

M. ANTONIUS DELRIO Brugenſis patriâ, Hiſpanus origine, vir maximis huius æui Heroibus adnumerandus, Poeta, Orator, Hiſtoricus, Iuriſconſultus, Theologus, variorum item idiomatum ſcientiſſimus fuit. Regius primum Conſiliarius in Cancellaria Brabantia. In iure edidit repetitionem ad *L. transfigere C. de transactionibus, exercitationem ad L. contractus 23. de diuerſis regulis juris*; item *de principijs juris libros duos. Hiſtoriam de rebus ſub Albano in Belgio geſtis, Notas luculentas ſcripſit in Claudianum, emendauit & Iulium Solinum Polihiftorem. Scripſit & in Senecam alioſque veteres Tragædos Commentarium*, quem *Syntagma Tragicum* appellauit; hic cùm per annos aliquot Conſiliarij, vt diximus, munere functus eſſet, rerum forenſium atque adedò mundanarum pertæſus, ſaluberrimo conſilio Societatis IESV institutum amplexus eſt. Scripſit & *Miſcellanea in totum ius ciuile. Florida Mariana de Laudibus ſanctiſſimæ Virginis Deiparæ Panegyricos, & Polemica Mariana, Diſquiſitionum item Magicarum tomos 3. ſæpiùs locupletatos. Comentarja in Cantica canticorum,*
Notas

Ngas in D. Orientij commonitorium Carmen, & in D. Althelmi ænigmata, De difficilioribus & utilioribus sacra Scriptura locis Tomos 3. Vindicias Arcopagiticæ aduersus Iosephum Scaligerum; Commentarium litteralem in Threnos Ieremiæ, Pharus Sapientiæ, seu Commentarium in Genesim; Adagialium sacrorum Tom. 1. & alter Adagiorum ac Phrasium sacra Scripturæ, posthumi in lucem exierunt. Promiserat in Pharo inter alia racemationes sanctorum Patrum in Isaiam, Iudic. & Psalmos, quas morte præuentus fortè non absoluit. Deltrius enim dum ex Hispania valetudinis causâ in inferiorem Germaniam redit ex itineris fatigatione & continuis studiorum laboribus in morbum incidit, & in amplexibus Patrum Societatis eiusdem Louanij mortuus est 19. Octob. 1608. ætatis 57. Vir fuit probitate, ingenio, religione, omnium litterarum genere, ac morum suauitate excellens.

ANTONIUS MEYERVS Henrici filius, Iacobi Flandrorum Historici nepos, studiosæ iuuentutis apud Atrebatum, & antè quoque Cameraci moderator 1565. Scripsit *Epitomen rerum Flandricarum*, siue Comites Flandriæ *Heroico Carmine* ex Annalibus Iacobi Meyeri patrui sui. Item *Cameracum*, Encomium vrbs ac populi Cameracensis, impressit Stelsius 1556. Patrui *Annales auctos & recognitos* dedit in lucem; *Niliq. Episcopi ac martyris Gnomas* Latino Carmine reddidit præter *varios Versus quos publicos fecit*, scripsit & heroico pede *Vitam sancti Vedasti*. Fuit Antonius Iacobi hæres tum Facultatis, tum Bibliothecæ, quam ille insignem magno labore multisq. impensis coaceruarat. Scripsit & *Vrlum de rebus S. Vedasti Atrebatensis* libr. 3.

ANTONIUS SCHOONHOVIUS Brugenſis ad S. Donatianum Canonicus, primus in lucē dedit ē Bauonico Gandaui
C 2 exem-

exemplari *Eutropij Historia Romana* libr. 10. integritati sue, ipsique aded Eutropio auctori suo restitutos, sublati iis quę Paulus Diaconus aut addiderat Eutropij historiam libris duobus producendo, aut de suo Eutropianis inculcarat; quod & Greg. Cassandri indicat Distichon in libri Frontispicio:

Hactenus Eutropij titulum nomenque, sed ipsum

Nunc demum lector conspicias Eutropium.

Adiectus est de dignitatibus vtriusque Imperij, ac Prouinciarum Romanarum libellus.

ARNOLDVS BARTIVS Brugensis I. C. ac Franconatium Scabinus, in lucem emisit quædam in *C. Iulium Casarem*, studio & operâ M. Laurini Watervlietij Toparchi, ab Huberto Goltzio Herbipolita restitutum. tam fœlicis memoriæ vir hic fuit, vt Pandectas iuris nostri memoriter ac leges quamplurimas verso ordine recitare posset. Sic vt cum L. Annæo Seneca memoriâ certare possẽ videatur, qui, vt in historiis ponitur, cùm Poëta quidam ducentos Versus ex tempore edidisset, & in papyrum congestos coram Nerone ex ordine recitaret, Seneca vice libri memoriâ vsus, eosdem ab ultimo incipiens ordine retrogrado singulos vsque ad primum repetiuit.

ARNOLDVS GERARDVS Laurentianus, qui pagus agri Brugensis pars est. Scripsit *de fide Catholica* libr. vnum, quem Colonia impressit Maternus Cholinus anno 1556.

BARTHOLOMÆVS dictus DE BRVGIS à Patria, Medicus professione, edidit in *Aphorismos Hipocratis* librum vnum, & alterum in librum *πρωτοδικῶν*, tertium *de regimine morborum acutorum*. Auctor Symphorianus Campegius.

BERNAR-

BERNARDVS VALDAVRA Brugenſis, propinquus Margaretæ Valdauræ vxoris Ioannis Ludouici Viuis Valentini, rarâ pudicitia fecminæ, ac omnibus animi dotibus marito ſimillimæ. Scripſit ac collegit *marmoreas inſcriptiones, & de nummis antiquis*. Vixit anno 1558. Neapoli à litterarum ſcientia clarus.

BONAVENTURA VVLCANIUS Brugenſis, olim Harduino apud Ioannem Othouem Gandauî condifcipulus, Lugduni Batauorum Græcarum litterarum profeſſor. Diu verſatus eſt in Hiſpaniis, apud virtutis & doctriinæ nomine excellentem virum Franciſcum de Mendoza filium Marchionis Cagnetæ, Epifcopum Laurienſem Presbyterum Cardinalem tit. S. Mariæ de Ara cæli, pòſt tit. S. Ioannis ante Portam Latinam, & Epifcopum Burgenſem, illique à ſtudiis & Bibliotheca, ac magno in honore habitus. Vir egregiè in litteris verſatus, è Græco in Latinum Carmen *vertit Callimachum* Cyrenæum, Hymnos videlicet, epigrammata, ac fragmenta eius quæ extant omnia, *Mofchi item Syracuſij & Bionis Smyrnæi Idyllia*. idem emiſit 1591. *Ariſtotelem de mundo Græcè cum duplici interpretatione Latina*, priore L. Apulei, & alterâ Gulielmi Budæi, cui Scholia ſua Vulcanius addidit, & caſtigations, cum animaduerſionibus Manutij Romæ editis. *Hiſtoriam ſcripſit tumultuum Belgicorum ab anno 1556. uſque ad 1577.* quo Hiſpani pace per Ioannem Auſtriacum factâ ditionibus Belgicis exceſſerunt: *Hymnos ſacros in ſacroſanctam Trinitatem* compoſuit, in Chriſtum quoque ac eius natiuitatem, paſſionem, mortem & reſurrectionem ac Spiritus ſancti miſſionem, in extrêmum quoque iudicium ac Cocnam Dominicam. *Emblemata ſacra vario Carminum genere ſcripſit. Iuliani Apoſtata Sympoſium Latine vertit, Pollucis Onomaſticon* è vetere mſc. Codice Bibliothecæ Au-

gustanæ castigauit. *Corpus Lingua Latina* composuit, in quod veteres auctores omnes qui de *Lingua Latina* scripserunt, coniecit, adductis Scholiis doctissimorum nostri temporis virorum, Antonij Augustini, Petri Victorij, Manutij, Scaligeri, &c. Eiusdem *Harmonia Poëtica*, in qua epitheta, descriptiones, locorum similitudines, Phrascs Græcorum & Latinorum Poëtarum inter se conferuntur, Poëmata varia Græca, & Latina, scilicet Epistolarum, Satyrarum, Epigrammatum funerum, parodiarum Hodœpericon Hispaniæ protrepticon ad Belgas, Grammatica Hispanicæ Linguae, Dialogus quoque de vita & moribus Hispanorum recensetur; Græca & Latina Erasmi adagia aliis Germanicæ, Gallicæ, Italicæ & Hispanicæ Linguae auctiora reddidit. *Historia Gothica* partes duas notis illustrauit, *Arriani Historici & Philosophi Historiarum Alexandri Magni libros octo Latinitati donauit*; Eius vitam ex Plutarcho interpretatus est, additis libris duobus de forma vel virtute Alexandri. *Isidori Hispalensis Episcopi Originum libros viginti* ex antiquitate erutos, & *Martiani Capella de nuptiis Philologia, & Mercurij libros nouem* variis Lectionibus & Scholiis illustrauit, quos impressit Basileæ Petrus Perina 1577. *Origenis Philocaliam*, hoc est, quæstiones illustriores ex vniuersis scriptis Origenis à Basilio & Nazianzeno collectam Latine vertit. *Gregorium Cyprium Theolog. Philosophum & Oratorem eximium Latinum quoque fecit*. Eiusdem liber circumfertur *Thesaurus vtriusq. Linguae*, hoc est, Philoxeni, aliorumque veterum auctorum glossaria Latinogræca & Græcolatina, item Biblia Græca cum variis Lectionibus & difficiliorum locorum partim Græca, partim Latina interpretatione ad marginem adiecta; capitibus singulis argumenta adiecta sunt, & capita ipsa in verticulos, vt in Hebræis distincta. his accedit *Adriani ἀσαγοὺν εἰς τὰς θείας γραφάς* & *Lexicon Theologicū ex Lexicis Græcis msc. & Scholiis* in ve-

in veteres Patres collectum. Cyrillum Alexandrinum hoc titulo edidit, *D. Cyrilli Archiepiscopi Alexandrini acerrimi grauissimique inter Orthodoxos Patres Christiana Religio- nis aduersus Hæreticos propugnatores Opera* in duos Tomos digesta, quorum prior Didactica, posterior Exegetica continet, Bonauentura Vulcanio Brugenſi interprete. Quæ omnia quia hinc inde censura & emendatione indigent, cautè & prudenter ab homine pio & Catholico legantur; quin potius non nisi legitimè expurgata permiffa que.

CAROLVS GOSWYNVS Societatis IESV Sacerdos, vir humanis diuinisque litteris egregiè cultus. Scripsit *Notas in Tertullianum*. Meminit eius Clarus Bonarscius in Amphitheatro honoris.

CAROLVS FERDINANDVS aliàs Phernandus, Brugenſis, ab infantia oculis captus, tantum in studiis profecit, vt Parisiis litteras non sine laude professus sit, & cum alia tum Versus multos scripserit. Auctor Gyraldus in libro de Poëtis. De eo sic Trithemius Abbas: Carolus Fernandus natione Teutonicus, Brugis oppido Flandriæ natus, à parua ætate captus oculis, & ob id elementorum etiam penitus ignarus, tantum sui miraculum præbet, vt velut alter Homerus, Poëta, Musicus, Philosophus, & Orator celeberrimus euaserit, diuinarum quoque Scripturarum sagacissimus interpres, Carmine excellens & prosâ, ingenio subtilis, eloquio discretus, vitâ & conuersatione integerrimus, qui à Rege Gallorum publico & perpetuo donatus stipendio, in celeberrimo Gymnasio Parisiensi multo tempore litteras humanitatis egregiè docuit, & auctores complures pulcherrimè exposuit. Demum contemptis omnibus, mundum cum suis stipendiis deseruit, & ante biennium fermè ordinem D. Patris Benedi-

Benedicti intrauit in Monasterio probè reformato, quod Casale Benedictum appellatur, sito in quadam sylua densissima decem à Bituricensi ciuitate fermè millibus distante, in quo vsque hodiè perseuerat magno feruens zelo animarum : adeò vt dispensatione Apostolicâ, Leuita ordinatus, verbum Dei cum maximo omnium fructu & admiratione publicè prædicet. Scripsit tam metro quàm prosâ multa præclara volumina ; quibus nomen suum posteritati commendauit; sunt autem hæc: *In dissertationem metricam Roberti Gaguini*, de purissima conceptione sacre Dei Genitricis & Virginis Mariæ aduersus Vincentium de Castro-nouo libros 2. *Laudes Ordinis Camelitarum. Odarum in laudes Christi & B. Virginis* libr. 1. *Orationem de Conceptione ad Carthusienses, Orationem de sancta Catharina, Epistolas multas, Elegias de Contemptu mundi* quoque euulgauit. Caroli huius Fernandi con-fabulationes monasticas in quatuor libellos diuisas cum vocum & sententiarum quarundam explanatione impressit Parisiis Iudocus Badius 1515. Item eiusdem *Speculum monasticum*. Fertur & sacras litteras Parisiis interpretatus fuisse.

COLLEGIVM SOCIETATIS IESV Brugense edidit *Iudicium Panegyricum quadrimembri Flandria* 1605. seu dissertationem : quo laudum genere potissimum præstet Flandria militiâ, politiâ, opibus, Religione. Liber Brugis impressus est apud Petrum Soetardum. Multa in eo pulchra & scitu digna, quæ ad commendationem eiusdem Prouinciæ pertinent, leguntur.

CORNELIVS BAESCORPIVS, Caroli V. Cæsaris Archiatros, vt singulare Reip. Brugensis ornamentum à Jacobo Marchantio laudatur.

CORNE-

CORNELIVS HENRICVS MATHISIVS Brugenſis, Medicus & Chirurgus Mariæ Reginae Hungariæ Belgij Gubernatricis Bruxellæ, eruditione & curandi dexteritate præſtitit, & Græco in Latinum tranſtulit *Adriji Ioannis Zachariæ filij methodi mœdendi libros ſex*, quibus omnia quæ ad medicinam faciendam pertinent, ſerè complectitur. Impreſſi ſunt Venetiis 1554. Claruit & Piſis in Italia circa an. 1526.

CORNELIVS SEVTIVS Medicus & Mathematicus edidit 1537. *Diſputationem Astrologicam contra Almanachum Petri Bruchefij à Rithouen*, Græcè ad Franciſcum Craneveldium, & Latinè ad Dominum Halowynium Equitem.

CORNELIVS ADRIANI Minorita, Dordracenus dictus, quod Dordraco Hollandiæ oppido originem duceret. Huius aliquando Cœnobij, ante vaſtitatem toto Belgio ampliſſimi, bis Guardianus extitit; vir admirabilis eruditionis & eloquentiæ, triūq; Linguarū, quæ ſacræ & ſunt & dicuntur, callentiſſimus, quas & Brugis publicè docuit; Qui annis 36. cōtinuis, populum Brugenſem incredibili cum gratia, fructu atq; vtilitate diuini verbi ſuauiſſimo pauit alimento, ſementem verè ſpargens euangelicā, tantaq; contentione zizania à malignorū ſpirituum fibris euellens, vt verus Brugenſium Apoſtolus; ſplendor & ornamentū Chriſtianæ Reip. Catholice & Romane fidei propugnator acerrimus extiterit, nec ſecus quàm alter Athanaſius, validiſſimus Hæreticorū maleus dici potuerit. Quiq; inter varias huius exulceratiſſimi ſæculi calamitates, inter innumeras Hæreticorum calumnias, & caninos inſultus, libellorumq; famoſa ludibria, tam inuictā ſemper animi moderationē tenuit, vt nullis vnquam vel hoſtiū fidei oppugnationibus, vel rerū aduerſarū procellis potuerit conuelli. Tandem velut alter Helias Propheta

*Ex monu-
mentis mſe.
Monastery
Franciſca-
norū Bru-
gæ ſic ad
me miſſi.*

Domini relictus solus, plenus dierum in festo S. Bonauenturae, anno 1581. in ipsis Hæreticorum tumultibus, omnibus Religiosis causâ fidei proscriptis, clanculû apud amicos sustentatus ad coelestia regna à Christo IESU, cui fideliter seruierat, euocatur. Cuius corpus nō sine admiratione summa ab omnibus Catholicis vrbis concomitatum (quod minimè tunc licebat) ipsis hostibus spectantibus, nec quicquam contradicentibus, solemni pompa, & splendidis exequiis in Xenodochio Diui Ioannis, vbi sola tunc erat Catholicorum sepultura, tumulatum est. Huius R. Patris ossa integra & benè disposita inuenta, anno 1615. translata fuere pompâ funebri ex præfato Xenodochio ad nouam extructam & consecratam Ecclesiam, & reposita circa Summum Altare ad latus Epistolæ sub Sarcophago. fuerunt præsentés, qui & eius sepulturam ante triginta quatuor annos curauerant, qui asserébant videntes caput eius: Etiam si non scirem patrem Cornelium hîc sepultum: verè tamen & sincerè dicerem illud ipsum esse caput ipsius propter certa signa in frontispicio. Cui hinc inde adhuc crines adherebant. Scripta eius post mortem (vti facta calumniis) impudicis salibus, dictariis, erroribus, ac meris sycophantiis inspersa maligna hæresis vitiauit, & ad ludibrium boni viri edidit.

DOMINICVS LAMPSONIVS Brugenſis, olim Domesticus Reginaldi Poli Cardinalis Angli, pōst Secretarius primum Roberti de Bergis, dein Gerardi à Groesbeke Episcoporum & Principum Leodiensium, demum Ernesti Bauari Archiepiscopi Coloniensis S. Romani Imperij Electoris & Leodiensium quoque Episcopi. Vir fuit in vtrâque Litteratura & Linguis aliquot vulgaribus politissimè versatus, Poeta etiâ amœnus, cuius varia & elegantia scripta extant. Fuit & Lampsonius Antiquitatum studiosissimus, & sculpturæ

pruræ ac picturæ peritissimus, ita vt laudes eius celebret Vasarus Aretinus, qui vitas Sculptorum, Pictorum, & Architectorum copiosè descripsit. Amicitia, Iusti Lipſij clarus. *Belgicos Pictores Illustres Iconibus Versibusq. decorauit, Lambertus etiam Lombardi Eburonis*, quo in pingendi arte Magistro vsus fuerat, *vitam* accuratè *conſcripsit*, vbi boni Pictoris imaginem proposuit, haud aliter quàm Xenophon Dux & Philosophus præstans, quum Cyri vitam scripsit, optimi Principis exemplar ob oculos ponere voluit. Senex Leodici viuere desiit anno, ni fallor, 1598. Hubertus Audeiantius mortuo Lampſonio hoc Elogium scripsit:

*Est qui Carmine, vultque penicillo
In prætonia Lampſoni tua ire:
Quod est, quodque fuit, tui editurus.
At frustra, neque sit tibi Poëta
Te præter, neque Pictor, aut Apelles
Hic ipſus redeat licet, Maróque.*

Edidit Lernutius nuper septem Psalms Poenitentiales Lyricis Versibus à Lampſonio conſcriptos, Odam item insignem ad eundem Ernestum Bauariæ Ducem.

FRONTIGARIUS DE PLACENTIA fuit Atrebatensis Ecclesiæ Episcopus in Ordine LXIII. teste Gazco in Catalogo Episcoporum Belgij, item Præpositus S. Petri Insulensis & Consiliarius Philippi Boni Burgundiæ Ducis. Vixit 1439. anno quidpiam eius lucem aspexerit, hæc tamen ignoro.

FRANCISCUS BRYCHOVIUS Brugenſis, Poëta Latinus iuxta ac Græcus, scripsit & euulgauit *varia*, eaque elegantia admodum in vtrâque Lingua *Carmina*.

FRANCISCUS AB ASTVDILLO Minorita Brugis parentibus nobilibus & Hispanis natus, hortante patruo Episcopo Cordubensi, habitū S. Francisci in Hispania suscepit. In Flāndriam reuersus dominorum inclytæ nationis Castellanorum Confessarius & Ecclesiastes effectus est, ante Conuentus denastationē Guardianus Brugenſis constituitur, suoque tempore abominationem desolationis vrbis, & Conuentus non sine maximis vitæ periculis & angustiiis vidit, anno 1579. In Prouincialem etiam Ministrum Prouinciæ Flandriæ assumptus, maxima cum pace quadriennio rexit. Deniq; primus totius Ordinis diffinitor ac Flandriæ Commissarius generalis designatus est. Ecclesiam nouam ab imis vsq; ad altitudinem quatuordecim pedum produxit, anno 1591. atq; refectorium totum construxit. Brugenſis tertiò Guardianus salutatus, æternitatis iter ingressus est; Bruxellis, apud Ducem Parmensē negotia partractans splendidis exequiis honorificāque sepultura tumulatus anno 1592.

FRANCISCUS GOETHALSIVS Brugenſis, aliàs Panagathus, librum emisit *De felice & infelice Rep.* ad Senatum Brugenſem, Louanij impressum 1567. Iurisconsultus eximius fuit, & primarius in Academia Duacensi Canonum Professor, viua etiamnum & consentiente vxore, Sacerdos factus est, atq; in Æde sancti Amati Canonicus fuit. Superest ei Gandaui filius N. Goethalsius ad D. Bauonis Canonicus, vir, doctus ac pius.

FRANCISCUS EVERARDVS Minorita, Cornelij Dordraceni discipulus ac sectator magnificus, Brugis natus & professus. Orator fuit suauissimus, ac fons totius eloquentiæ, atque syncerus Euangelij præco, qui ad Iubilæum vsque hæreticam gentem cum earum fallacibus technis,

technis, diuino dicendi genere propulsauit, à qua ad vincula vsque & carceres varia passus est tormentorum genera. Tandem Brugenſis, Gandenſis, & Ipreſis Guardianus, diutinis languoribus à Deo probatus ad feliciorẽ vitam migravit anno 1609.

FRANCISCVS EVCAS Brugenſis, Theologus eximius, & Eccleſiæ Audomaropolitanæ Cathedralis Archidiaconus & Decanus. Scripſit primũ *Notaticnes in ſacra Biblia*, quibus variantia diſcrepantibus exemplaribus loca Romanæ correptionis ſummo ſtudio diſcutiuntur. Excudit Antuerpię Plantinus 1580. Idem euulgauit *Orationem funebrem in obitum Iacobi Blaſei Audomarenſis Episcopi*. Exſtant & eius *Commentaria in quatuor Ieſu Chriſti Euangelia*, in folio tribus Tomis, quibus poſteà acceſſit Tomus quartus. Exſtat & eius *Notarum ad varias Lectiones in Euangelis occurrentes libellus duplex*, quorum vno Græcæ, altero Latinæ varietates explicantur, tractatus item de *Chaldaica ſancta Scriptura paraphraſi*. Item *Libellus Romanarum correptionum in Latinis Bibliis Sixti Quinti*. Item *Inſtructio Confeſſariorum, & Sermones de diuerſis Chriſtiana fidei myſteriis*.

FRANCISCVS MODIVS Brugenſis, editis in publicum præclaris ingenij ſui elegantis & accurati monumentis, inter huius ætatis viros doctrinâ excellentes non vltimo loco humerandus eſt, vir optimis litteris inſtructus, Poeta eruditus, & Iuris Romani ſcientiâ clarus. Poſt Hermolai Barbari, Budæi & Ioannis Sulpitij Verulani, multorumq; aliorum editiones diligenter recognouit & emendauit, *Flauij Vegetij Renati de re militari libros 4. Sexti Iulij Frontini Stratagematum libros totidem. Eliani de inſtruedis aciebus, Modeſti de vocabulis rei militaris*. Impreſſit Colonia Maternus Cholinus 1580.

Emaculauit etiam *Iuliani Epitomen Trogi Pompeij Historiarum* è msc. Codicibus, edidit & *Quinti Curtij Historia Alexandri Magni libros qui extant*. Eiusdem *Poëmata* ad amplissimum & splendidissimum *Erasmum Neustetterum Equitem Francum*, impressa Wirtzburgi 1593. A mendis *Nemesianum & Calpurnium Bucolicos Poëtas* quoq; purgauit. Scripsit de habitu *Monachorum*, & *Cleri Romane Ecclesie subiecti*, item de habitu *multorum*, *Francofurti apud Feyerabendiũ* 1586. *Praxin rerum Criminalium*, & tractatus *omnium Nobiliorum*, qui in hanc vsque diem existerunt, *Iurisconsultorum*, in quibus processus publicorum iudiciorum, maleficiorũ, ac suppliciorum omnium, quæ in vsum cadere possunt, ratio non minùs succinctè quàm doctè traditur, in lucem coniunctum edidit, atque in duos tñmos distribuit cum indicibus & summariis, ibidem 1587. recognouit eadem diligentia *Repertorium sententiarum & regularium*, item definitionum, diuisionum, differentiarum formularum, singularium locutionum, Epithetorum, dictionum denique omnium *ex vniuerso Iuris Civilis Corpore & Glossis*, tam veteribus quàm recentioribus collectarum, tributum in duos Tomos à Petro Cornelio Bredenrodio I. C. Hagimontano in Curia Hollandiæ Consiliario. Idem non diu ante mortem è Monasterio sancti Bertini Audomaropoli acceperat msc. *Codicem Panegyricorum veterum*, eumq; notis illustratum dono dederat Clarissimo viro Marco Velsiero Patritio Augustano, à quo eas habuit Ioannes Leuineius, qui non parum adiumenti in sua emendatione ab iisdem habuisse se fatetur. Obiit anno 1597. Canonicus Aeriensis.

FRANCISCUS GROTIUS I. C. præstanti Vir eruditione, inter alia præclara ingenij sui monumenta, reliquit (recte Marchantio) libros *Εἰκασῶν*, Latinosque fecit institutio-

stitutionum Iustiniani libros IV. ex Græca Theophili Antecessoris Paraphrasi.

FERDINANDVS SALINAS I. C. Sanctioris in Belgio Consilij Adfessor, & defuncto Ioanne Richardoto Præside, Vicepræsès fuit, de Rep. Belgica quam maximè meritis, de eo etiam cum laude agit Marchantius.

FERDINANDVS VERANNEMAN Brugenfis I. C. Sanctioris Consilij Adfessor verè prudentiâ, eruditione & auctoritate clarus. Laudatur à Iacobo Marchantio in descriptione ciuitatis Brugenfis.

FRANCISCVS POERBVSCHIVS celeberrimi nominis Pictor, teste Carolo Vermanderio, Francisci Flori discipulus, Petri filius, at patre maior quo etiam nullus præstantior è disciplina eiusdem Flori prodiit. in effigie humana depingenda præcipuus, magnus etiam in efformandis animalibus, plantis, arbutis & id genus campestribus simulacris. Varia etiam & admiratione digna exstant Antuerpiæ vbi vixit, Gandaui vbi Viglij Zuichenij Tabula in Æde Cathedrali conspicitur ab eodem faberrimè facta, & alibi. Vide Manderium.

FRANCISCVS RAPARDVS Brugenfis Doct. Medicus, scripsit 1551. *Flagellum*, vt vocat, *Prognosticorum, Medicorum, Empiricorum & Medicastroorum*. Cui anno insequenti Petrus Harsardus reposuit clypeum Astrologicum, Louanij apud Bergaigne. Titulus Rapardi talis est, *Magnum & perpetuum Almanach* à consuetis nugis liberum eoque verè medicum de Phlebotomia, de Balneis, de purgationibus certiora præcepta continens, apud Ioannem Latium Antuerpiæ.

FRAN-

Ex monn-
mâis Mo-
nastery.

FRANCISCUS TANTIVS Minorita, huius urbis & Conuentus alumnus, Dunkerckenſis & Ipreſis Guardianus, aliquot annis Pariſiis ſtudit, ſacræ Theologiæ & Philoſophiæ Coriphæus effectus, dum tertium ſtudium proſequeretur, ac multos præclaros Lectores procreaſſet, ætate florenti, magno cum Prouinciæ diſpendio & Studioſorum incommodo, ab omnium Conditore rerum accerſitur anno 1602. exſtant eius mſc. in M. Sentent. Commentaria.

GABRIEL IANSENIUS Scholarcha Alostanus in Flandria, puer operam dedit Brugis Gulielmo Likerequoio. Scripſit *Tragicomædias quinque ſacras*, ac *tres Fabellas*, quarum hi ſunt tituli; Prima, Monomachia Dauidis cum Goliath; Secunda, Nabalus. Tertia, Iudicium Regis Salomonis. Quarta, Cæcus à natiuitate. Quinta, S. Martinus. Fabellarum verò inſcriptiones ſunt: Prima, Bruſquetus Galliarum Regis circulator ac morio. Secunda, Philippus fatuus ſub matre ſtolida. Tertia, Nobilis ruralis. Adiuncta ſunt *Epigrammata varia*. Gandau 1600. apud Manilium.

GALEERTVS Brugenſis, fuſè & egregiè deſcripſit *Vitam Caroli Boni Comitis Flandriæ*. Brugis anno 1126. ſex. Non. Martias à Burchardo Stratenſi, & reliquis parricidis interempti. Eius mentionem facit Meyerus libro 4. Annalium Flandriæ, & Molanus in indiculo Sanctorum Belgij.

GERARDVS Brugenſis, Pictor præſtantiffimus, & miniator etiam egregius, à Vaſaro memoratur, & à Ludouico Guicciardino in deſcriptione Belgij. Vide de eodem verſus Dominici Lamponij. de eo nihil aliud commemorat Vermanderius quàm Gerardum hunc impenſis laudibus celebra-

celebratum fuisse à Petro Poerbuschio excellentè etiam Pictore.

GERARDVS SOETFIINVS Minorita, Ecclesiastes facundissimus, Brugenſis Guardianus, Vicarius Prouincialis Franciæ, & Commissarius Generalis Prouinciæ Saxoniz. Ab humanis sublatus est anno 1518.

GERARDVS VERVSTIVS Minorita, Brugis professus, insignis Lector Philosophiæ & Theologiæ, & diuini verbi Præco extitit; maximaque ab Hæreticis, vt verus illorum malleus, est perpeſſus. Gandaui, Ipris, Hulſti, Dunkerckæ Guardianus. Post quadragesimales conciones Furnis piissimò fine in Domino quieuit anno 1596. *Ex monâ-
mētū Gæ-
nobj.*

GEORGIVS A TENSERA Brugenſis, memoratur à Ferreolo Locrio Sanpaulinate in Chronico Belgico ad annum 1189. 1222. 1223. 1225. 1252. Scripsit Historiam Atrebatensem, & ex eius Collectaneis msc. multa se hausiſſe fateatur Meyerus.

GISBERTVS BAHVSIVS Carthusianus è Priore Bruxellensi Brugenſis Carthusiæ moderator effectus, tranſtulit, dum adhuc, vt ait Petreius in Bibliotheca) cupitis Rachelis vacaret amplexibus *Belgico Idiomate Opusculum R. Patris Luca Pinelli de perfectione Religiosa*, quod Antuerpiæ prodijt anno 1605. in octauo, Latina verò editio Coloniz in duodecimo apud Balthasarum Clypeum anno 1602.

GVALTERVS Episcopus Pictauorum à Nicolao Tertio creatus, de ordine sancti Francisci, scripsit iubente Alexandro IV.

dro IV. Pont. fice Maximo in libros *Magistri Sententiarum*. *Quidlibet unum librum, Rudimenta concionatoribus, Sermones per annum*; cæterum eiusdem alia recensentur à Bunderio in Indice librorum msc. per Belgium. *Commentarij in libros Sententiarum* olim msc. Brugis & Ipris apud Franciscanos. Item *Tabula Originalium* in Bodeloensi Monasterio msc. *Traſſatus de Penitentia* olim Ipris apud Tertiarios *Quæſtiones diſputatæ*. Floruit 1250. Vide Meyerum lib. xi. Annalium.

GUIDO LAVRINVS Brugenſis, Dominus de Clinckerlant, Marci Laurini, de quo infra dicetur, frater germanus, vir ſummo ingenio, moribus ſuaviſſimis, ac ſingulari probitate, antiquitatum ſtudioſiſſimus, ac elegans Poëta. Eius multa exſtant Carmina, ac inter cætera in Iulium Cæſarem Huberti Goltzij. Eiufdem *Commentationes in eundem Cæſarem* commemorantur in Catalogo Officinæ Goltzianæ. Naturæ conceſſit Inſulis, ſepultus in D. Mauritij. Legitur & *Dialogus Telluris & Platonis* ab eodem ſcriptus, in Theſaurum antiquorum numiſmatarum aureorum ſub Veſpaſiano Aug. depoſitum & reſertum 1561.

Wilhelmus
de abſel. uoca-
tur in carta capituli
ſynodali an 1472

GVILIELMVS ABSELIVS Carthuſianus ex profeſſo Dominus Capellæ iuxta Angianū, electus eſt Brugenſium Prior; vir nimirum (vt ait Petreius) tam generis nobilitate quàm litterarum monumentis clarus adeò, vt mirari liceat meritò, nec Trithemium, qui tamē iſto vixit ſæculo, nec cæterorum quempiam, vllam illius mentionem facere præter vnicum Boſtium, ex quo ſua mutuatus eſt Dorlandus. Porro quas Boſtius illi adſcribit lucubrationes, hæ ſunt: Inter alia, inquit complura, *Traſſatum elegantiffimum ad ſemper candidam calis Reginā more condidit oratorio*. Hugoni quoq; de Vercondis Traieſtenſi Monacho Vallis gratiæ dicauit *Opusculum de vera pace,*

pace, insuper ad charissimum sibi Priorem, propè Angiam scripsit, *Tractatum super Oratione Dominicâ Carmine eleganti*, sed & *Epistolarum elegantissimarum complures scripsit libros*, quorum vnus est ad Christo dicatam Virginem genere, moribus ac litteraturâ perinsignem Mariam de Os, charissimam sibi ex sorore neptem, apud Teneramundanos Brigittanarum Virginum Abbatissam. Cui etiam alia nonnulla dedicauit opera. Scripsit etiam *Speculum*, & *de officio Martha*, necnon & *Dialogum* quendam lectu iucundum, vbi ipse veluti pater filiam spiritalem de multis perbellè instruit, & alia quædam, quæ temporis iniuria sustulit. Ipse postquam annos quadraginta in ordine laudabiliter fuisset, obiit anno 1471.

s. aug. ex lxxx
capit. genit. 147

GVLIELMVS DOMINIKEL. Brugenſis Poëta, scripsit *Verſus elegantes* ad varios amicos doctosque viros, extat ad hunc Lucæ Feuterij iſdem Poëtæ Carmen, seu reſponſio, ſic iucipiens :

Quale nouem ſacris Parnassi in vertice Muſis,

Cynthius argutis temperat articulis ;

Quale Cupidineæ cantabat Naſo Corinna,

Furtini referens gaudia coniugij :

Tale tuum nobis Carmen Dominikule, talis

Venit ab articulis chara notata tuis, &c.

GVLIELMVS PAMELIVS, primùm Curix Flandricæ, dein Sanctioris Concilij Præſes. Vir fuit Regi Deoq; cum primis fidus ac iuſtitix æquitatisque aſſertor ſummus. Eximiiſ laudibus effertur à Iacobo Marchantio. vitâ eius quoq; deſcripſit Dionyſius Harduinus, quæ mſc. eſt apud illuſtrem virum Emmanuelem Sueyrum Equitem Luſitanum.

GVLIELMVS MALINÆVS Brugensis, in linguam Latinam transtulit *Commentaria Hispanica*, Ludouici ab Amila Præfecti Alcantarenfis de bello Germanico à Carolo V. Cesare gesto libris duobus, Antuerpiæ apud Stelsius 1550. Vixit in aula eiusdem Caroli à cubiculo eius, vir præter priscam probitatem, priscâ & eleganti doctrinâ imbutus. Vide Valerium Andream in Bibliotheca Belgica.

GVLIELMVS TÆLBOOMIVS Brugensis, Pastor primùm S. Anna, & sacrarum Litterarum apud Brugeses Professor, pòst Canonicus & Archidiaconus Audomaropolitanus. Scripsit *Laudationem funebrem in obitum Iacobi Pamelij* Episcopi Audomaropolitani designati, Antuerpiæ typis Petri Belleri. 1589. in 4. Brugis verò 1580. *Orationem pro defensione Catholica Religionis*, habuit & *Disputationem de Verbo Dei* non scripto, cum sectæ Caluinianæ ministris; exedit Louanij Ioannes Masius 1588. quam disputationem habuit coram Senatu & Ciuibus Brugensibus: scripsit & *Apologetica Catholica Religionis*, quibus Epistola adiuncta est ad Reuerendissimum Dominum Remigium Druitium Episcopum Brugesem, quâ explicatur scripti occasio, & argumentum.

GVLIELMVS ZENOCARVS, vulgò Snouckaert à Schauenburgo, Toparcha Bruckhorstius, in Curia Hollandiæ Consiliarius, ac militiæ auratæ Eques, I. C. Historiarû, Græcæ linguæ, & antiquitatum studiosissimus, ac Carolo V. Cæsari à Bibliothecis. Descripsit copiosè *Vitam & gesta eiusdem Caroli* libris VII. numero, vt ait Marchantius *pondere & mensura* ad Illustres aurei velleris Equites. Gandau 1559. Primùm Parisiis Zenocarus vocatus fuit in comitatu Cornelij Seepperi Oratoris Cæsarei; cui à secretis erat. Galli enim non assueti pronuntiationi dictionum incipientiû ab elementis
Sn, mol-

Sn, mollientes vocabulum ex Snouckaert fecerunt Zenocar, & Gulielmus se Gallis accommodans, addidit terminationem Latinam, & Zenocarus dici cœpit, atq; ita deinceps per Europam innotuit.

HENRICVS COESVELDIUS Carthusianus obiit in Erngensi Carthusia anno 1410. Opera aliquot insignia reliquit. *In Exodum mysticè, in Epistolam D. Pauli ad Romanos, de tribus votis substantialibus. Contra vitium proprietatis, de institutione novitiorum, de Sacramento Altaris, de Annunciatione Dominica, Eulogium D. Pauli Eremita, Sermones de tempore & Sanctis, de tribus custodiis monasticis, de Sacratissimo Altaris Sacramento iterum, Circumcisorium mysticum, &c.* Vide Trithemiũ & Petreium.

HENRICVS PRVDENS Carthusianus, Prior fuit Vallis gratiæ propè Brugas, à Trithemio & Bostio commendatur. Scripsit *pro Religiosorum instructione quadam* in suo genere præclara. Inter alia *Tetralogum deuotionis*, & in tres partes secundum statuum differentias, nempe, *incipientium, proficientium, & perfectorum* distribuit per modum Dialogi. Obiit autem in Carthusia Boscoducensi, quæ S. Sophiæ titulo gaudet, quod circa annum Domini 1453. capta à Turcis Constantinopoli ac profanato augustissimo illo S. Sophiæ templo, in eius rei memoriam erigi cœpta sit. Vide plura apud Petreium.

HENRICVS ZYPÆVS Abbas S. Andreæ iuxta Brugas è Priore Cœnobij Affligemensis, vir non minùs virtute ac prudentiâ, quàm eruditione clarus, scripsit *librum pro Monachatu S. Gregorij Magni*, contra quosdam asserentes, eum non fuisse de Ordine S. Benedicti:

HERMANNVS PETRVS Suidorpæus Carthusianus. Vir fuit in diuinis Scripturis probè admodum versatus, ac vitæ integritate celebris, quippe qui Brugenſis Carthuſiæ monialibus per annos triginta circiter magna cum laude præfuit, quarum ſpiritali proſectui vt plus adiumenti adferret, ſcripſit *de regimine monialium librum vnum*. Item *ſuper Oratione Dominicâ Sermones* L. apud Ioannem de Weſtphalia Louanij anno 1484. in folio, *Sermones de tempore & Sanctis lib. 6. de Immaculata Conceptione B. Mariæ Virginis*, aliaque complura. Vide Petreium.

HYBERTVS AVDEIANTIVS Brugenſis, ad D. Donatiani, dum viueret, Canonicus, vir candore & eruditione egregius fuit. Scripſit *varios & amicorum operibus præfixit verſus*, elegantes planè ac laude dignos. Legitur & Carmen ab eo ſcriptum in fama poſthuma Iuſti Lipſij, cum quo aliquando Louanij habitarat, & cum virtute viri maximi doctrinam vberem hauſerat.

HYBERTVS EYCKIVS Pictor inclyti nominis, frater Ioannis, de quo infrà memoratur à Georgio Vaſaro Aretino vltimo volumine Commentariorum, quos ſcripſit de vitis clarorum Pictorum, Sculptorum & Architectorum, & à Ludouico Guicciardino in deſcriptione Flandriæ. Eius opera & tabulæ eleganti arte depictæ viſuntur in præcipuis Flandriæ oppidis. Deceſſit Gandau, & ſepultus eſt in latere ſiniſtro anterioris partis Eccleſiæ D. Ioannis Baptiſtæ, quæ tunc Parochialis, pòſt Collegiata, nunc Cathedralis auctoritate Pauli Tertij Papæ Diuo Bauoni ſacra eſt. Miris laudibus & hunc extollit & meritò quidem, Carolus Vermanderius magno ſuo de claris Pictoribus volumine teutonicâ Linguâ ſcripto. Eius vna è celebribus & præ cæteris eximia
tabula

tabula visitur Gandaui in Æde eadem Bauoniana, de qua sic Vrientius:

*Quos Deus ob vitium paradiso exegit Apelles
Ecykius hos vitij reddidit ære patres.
Arte modoque pari pariter concurrere visi
Æmulus hinc Pictor, fictor & inde Deus.*

HVBERTVS GOLTZIVS, natus Venlonæ apud Geldros anno 1526. 3. Kal. Nouemb. patre Rutgero Herhipolita. Sculptor & antiquitatum omnis generis altissimus Gurges. Adr. Iunij Elogio, eoque nomine ciuitate Romanâ donatus, familiaris admodum vixit nobilitate & doctrinâ claris Marco & Guidoni Laurinis fratribus: quorum operâ ac hortatu Italiam, Galliam, Germaniamque lustrauit antiquitatis vestigandæ, atque eruendæ gratia Brugas reuersus, eorundem ære ac studio edidit *Imperatorum* ferè *omnium* *imagines à Casare ad Carolum V. fâctos Magistratum, &c. Romanorum ab V. condita ad Augusti obitum* ex antiquis numismatis. *Catalogum Consulum* adiecit his *ab Augusti obitu ad Iustinianum* unâ cum triumphis. Item *Animaduersiones in aliquot fâctorum locos*. Item de *Origine & Statu populi Romani, de Magistratum apud Romanos initio ac mutationibus. Thesaurum rei antiquariæ, Græciam siue Historiam urbium & populorum Græciæ*, ex antiquis numismatis. *Vitam & res gestas Iulij Caesaris*, item *Augusti* ex nummis. *Itinerarium per Italiam, Germaniam, ac Galliam*. Obiit Brugis 1583.

HVCO A GOES, teste Carolo Vermanderio in suo de claris Pictoribus libro, discipulus fuit Ioannis Ecykij, à quo mixturam olei cum coloribus in primis didicit. Varia eius visuntur, inprimis Gandaui eximia conspicitur tabula, in qua

qua Abigaël Dauidi occurrit, Brugis in Ecclesia S. Iacobi imago Crucifixi, &c. Obiter hic adiungam pinxisse olim & habitasse etiam Brugis, M. Angelum Bonarotum teste Marciantio in descriptione Brugarum.

IACOBVS BLASAFVS Brugensis ex Ordine Minorum Franciscanorum, è Coenobio Duacensi, anno 1597. ad Namurcensem, inde Audomarensem Cathedram euectus est. Anno verò 1598. pridie Kal. Ianuarias, Bruxellis in D. Guidæ *Orationem dixit in funere Philippi Secundi Hispaniarum Regis verè Catholici*, sermone Gallico, quo in primis excellebat, typis editam. Eum ante paucos annos vitæ functum laudauit Franciscus Lucas itidem Brugensis Theologus, ac Audomaropolitanæ Ecclesiæ Decanus, funebris oratione, quâ illius egregias virtutes, claraque facta recenset.

IACOBVS DE BRUGIS Ordinis B. Mariæ Virginis de monte Carmelo. Scripsit *de impossibilitate anima librum unū*. Item *de motu intellectus librum unum*, & alia. Claruit anno Domini 1320. Meminit Ioannes Bacontorpius in 2. Sententiarum dist. 29. quæst. 1. ac Godefridi Cornubiensis Parisius auditorem facit, vt habet Bibliotheca Tigurina ex Iuliano Hasarto Hannonio Angienfi Carmelita, qui Thesaurum sui Ordinis scripsit.

IACOBVS DE OSTENDA, Ordinis Eremitarum sancti Augustini, sacrae Theologiæ Doctor fuit, & à Consilio Illustrissimo Flandrorum Comiti, an verò quidpiam in lucem emiseric, è monumentis Augustiniani Coenobij, quod Brugis est, & in quo ille habitauit, non liquet.

IACOBVS CRUCQVIVS Messinius, apud Brugeses
publicus

publicus eloquentiæ Professor. *Q. Horatii Flacci Opera* ex msc. Codicibus castigauit, additis veterum interpretum ac suis Commentariis, Antuerpiæ apud Plantinum, & Lugduni Batauorum apud Franciscum Raphelengium in 4. 1620. Scripsit & *Enarrationem in Orationem M. Tully Ciceronis pro Milone*, typis Plantini 1582. Vir fuit antiquitatum studiosissimus, ac Georgij Cassandri in professione bonarum litterarum Brugis successor, in ea Academia, quam Episcopus Cubæ ex Wittorum stirpe, instituit. Exstant & eius *Elegantia Carmina*, quibus nomen suum ab omni obliuione apud posteros vindicauit.

IACOBVS FONTANVS I. C. & Iudex appellationum populi Rhodiensis, familiaris Liladami Magni Rhodiorum magistri. Scripsit *de Expugnatione Rhodi* Epistolam ad Adrianum VI. Basileæ, cum Iacobi Sadoleti oratione de bello Turcis inferendo, aliorumque similis argumenti opusculis, apud Thomam Platterium. *Belli Rhodij historiam, libros tres*, Parisiis apud Wechelium, Haganoæ apud Ioannē Secerium, & Basileæ Tom. 2. rerum Germanicarum, *Scholia in Iustiniani Codicem in Constitutiones Bonifacij & Clementis, Vitam Ioannis XXII. Pont. Max. Lutetiæ simul edita.*

IACOBVS KIMEDONCIUS peruersus, Harduino teste, Caluiniani Dogmatis propugnator & hæreticus, Heydelbergæ in Palatinatu Professor fuit. Scripsit *de Redemptione generis humani, libros tres*, cui accessit Tractatio *de diuina Predestinatione*, vno libro comprehensa. Aduersus Kimedoncium sæuis conuitiis in nomen Iesv, & imposturis in Sacrosanctam Iesu Christi Ecclesiam debacchantē, negantemq; Christum Iesum pro toto genere humano mortuum, scripsit Samuel Huberus Tubingensis Theol. Lutheran. Scripsit &

Kimedoncius libros tres *de Verbo Dei scripto* ad S.P.Q. Mid. delburgensem. *Duos item de Verbo non scripto* ad S.P.Q. Vlis. singarum. Extat eiusdem Oratio funebris in mortem Ioannis Calimiri, qui Frederici Comitis Palatini Tutor & Patruus, eiusdem ditiones administrauit, variasque calamitates, incendia, & clades Catholicis intulit, ac velut onager & singularis ferus, quantum in se fuit, vineam Domini Sabbatho depastus est. Quare omnia eius scripta proscripta sunt, ipseque auctor damnatæ memoriæ habetor.

IACOBVS LERNVTIVS, Iani Lernutij viri præstantissimi filius, earundem, quibus pater excultus fuit, disciplinarum amans ac callens, moribus quoque candidus, ac ingenio amœnus, edidit Preces Metricas à Macrino, Aurato, Bacherio, Victore Gizelino, & alus Poëtis exercitiis Christianæ Pietatis aptatas. Parat & alia quædam vti propria, ita Maximiliani Vrientij Poëtæ Gandauensis, quæ msc. apud hæredes latent opuscula.

IACOBVS PAMELIVS natus est Brugis anno 1536.3. Idus Maias Adolpho Patre Carolo V. Imperatori à Sanctiori Concilio, e nobili Baronum de Pamele stirpe. Puer religiosus Bonestienfis (quod est Ordinis Cisterciensis Cœnobium in agro Namurcensi) à parentibus litteris, moribusque formandus traditus est. Philosophiæ operam dedit Louanij, ac nouem ipsos annos sacris litteris diligentissimè incubuit. Præceptoribus vsus Ruardo Tappero ac Iudoco Rauesteynio, quibus plenius percipiendis, Sorbonam Parisiensem, aliasque Europæ Academiæ cum fructu & ingenij cultu vilit; Louanium reuersus Licentiæ Theologicæ gradum consecutus est, & in Patriam concessit, in eo totus, vt Dei honorem Ecclesiæque promoueret. Cumque ingenio, iudicio,
rerum-

remumque usu valeret plurimum, Petro Curtio ac Remigio Druitio Episcopis Brugenſibus, aliisque à Conſiliis fuit. Quapropter Brugenſes Canonicatum ad S. Donatianum Audomarenſes Eccleſiæ ſuæ Archidiaconatum, Rex ipſe Præpoſituram ad S. Saluatorem Traiecti, ac demum conſentientibus votis Audomaropolitanæ urbis Episcopatum in eum contulere, cuius rei gratia Bruxellam dum cogitat, in medio itinere Hannoniæ Metropoli, morbo ac morte corripitur anno 1587. ætatis 52. 13. Kal. Octob. Conditus ibidem in æde D. Waldetrudi ſacra, quæ eſt nobiliſſimarum Virginum Canonicarum. Funebris eum laudatione proſecutus eſt Gulielmus Taelboomius in Archidiaconi munere & dignitate ſucceſſor, quæ typis exſtat edita. Scripſit verò Pamelius doctè & accuratè, ut erat doctiſſimus & in hiſtoria ſacra prophanaque verſatiſſimus *Liturgica Latinorum*, hoc eſt, de ritu Sacrificij Miſſæ apud Latinos ab Apoſtolis & Patribus obſervato *Tom. 11. Diſſerta* Coloniae 1571. apud Quentelium. Habebat & præ manibus *Liturgica Græcorum*, ac de Græcæ ac Latinæ Eccleſiarum in Miſſæ Sacrificio concordia, ſed morte auctoris interrupta hæc tela eſt. *Relationem ad Belgij Ordines de non admittendis una in Rep. diverſarum Religionum exercitiis*, Antuerpiæ apud Plant. 1589. Edidit præterea è tenebris erutum *Micrologum de Eccleſiaſticis obſervationibus*, ibidem, Caſſiodori diutinas Lectiones adiecit, *Catalogum commentariorum veterum ſelectorum in uniuerſa Biblia. B. Cypriani opera*, omnia è Codicibus mſc. accuratiſſimè recognouit, annotationibus luculentis & ti operi ſparſim inſertis præmiſſaque auctoris è ſcriptis illius vitæ à ſe Pamelio collecta. *Tertulliani quoque opera Tomis v. digeſſit* è mſc. Codicibus, auxit, ac recensuit, argumentis ac annotationibus doctiſſimis toti operi interiectis; moliebatur editionem Rabani Mauri, aliaque deſtinauerat, ut recenset in oratione

tione f. nebri idem Taelboomius. Pamelio hoc est Epitaphium :

Nobili Viro Iacobo Pamelio Presbytero, Summo Theologo, D. Saluatoris Ultraicctensis Præposito, Ecclesiæ Audomaropolitanæ Archidiacono, & eiusdem Ecclesiæ nominato Episcopo, multis in Cyprianum, Tertullianum, aliosq; Scriptores monumentis editis clarissimo intempestiva cheuimorte abrepto fratres mœstulî. PP.

IACOBVS PLANCIVS Brugensis Poëta. Huius exstant *Græci pariter ac Latini suaves Versus.* ita de eo Dionysius Harduinus in suo msc. Flandrorum ingenij monumentis scriptisque illustrium virorum Nomenclatore, Illius ego hæcenus nihil editum vidi.

IACOBVS ROUSSEAU Minorita, & PETRVS frater eius vterinus, vitæ integritate summâ & admirabili eloquentiâ Brugis spirituale semen verbi Dei disseminarunt. In ipso iuuentutis flore vterque occubuit. Senior moderator iuuenum, anno 1591. Iunior verò inter quadragesimales labores, primo sui Guardianatus Brugensis anno necdum expleto, anno 1602.

Lx. Adu
Monaste-
ry.

IACOBVS RÆVARDVS (quem Belgij nostri Papinianum Iustus Lipsius nominare solebat) natale agnoscit solum Lisseweghen, quod est agri Brugensis municipium, in quo circa annum 1536. natus est parentibus opulentis, honesto loco, ac stirpe; iurisprudentiæ Tyrocinum Louanij fecit; incepta hinc studia Auteliis gnauius profecutus est, & priusquam in Belgium rediret, ornari titulo I. C. meruit;
Brugas

Brugas reuersus in Senatorium ordinem non semel est adlectus, euocatus mox crescente viri doctissimi famâ ab Vniuersitate Duacena ad Iuris professionem. Quod munus cum laude obiit, variaque ingenij monumenta posteris reliquit, uti sunt: *Variorum, siue de Iuris ambiguitatibus libri quinque*. Brugis 1565. *Pro tribunalium liber singularis* ibidem, *de Auctoritate prudentum liber vnus*, typis Plantini, *de Iure liberorum lib. vnus*, *de veris vsucapionum differentiis aduersus Trebonianum, Commentarius ad Legem Scriboniam* ibidem, *Commentarius ad Leges duodecim Tabularum, Cōmentarius ad Tit. Pandectarum de diuersis regulis Iuris. antiqui*, typis Plantini 1568. *Constitutionum libri tres*. Opus posthumum typis Wechelani 1601. Estque pars secunda operum Ræuardi semel iterumque editorum iisdem typis. Obiit Brugis anno 1568. Kal. Iunii ætatis 34. cū eò valetudinis curandæ gratiâ (Phytis enim ab immodico studio contraxerat) concessisset. Sepultus in natali municipio, vbi marmorei aliquot maiorum Ræuardi tumuli visuntur. Ianus Lernutius cum Epitaphio honorauit, quod in Elogio Miræus recenset.

IACOBVS STRATIVS Societatis IESV Theologus, natione Belga, Collegij Brugenfis Rector, pietate & concionibus clarus (vt ait Ribadeneira in Appendice Scriptorum eiusdem Societatis) edi permisit tacito nomine, Belgicè à se prius hominibus transcripta *Soliloquia anima Thomæ à Kempis*. Edidit & *Meditationes Liturgicas* Antuerpiæ apud Knobbarum, item *Teutonico idiomate declarationem præcipuorum articulorum antiquæ Romanæ Catholicæ fidei*, qui à nouatoribus huius æui in controuersiam vocantur. Stimulos etiam pietatis ad sacrificium Missæ piè audiendum & faciendum, Antuerpiæ apud Gasparem Bellerum.

IACOBVS TYPOTIVS vir in politiore litteratura fuit eximius, quod è tribus ipsius *Tomis Symbolorum diuinorum & humanorum*, quæ anno sæculari ex Musæo Octauij de Strada edidit Ægidius Sadelerius Pragæ, satis constat.

IACOBVS VELDIVS Brugenſis, Doct̃or Theologus Louanienſis, & Prouincialis Eremitarum S. Auguſtini per Belgium, Eccleſiaſtes facundus, edidit *Tabulas in Euangelia & Epiſtolas Quadrageſimales*, Louanij 1565. & Venetiis 1566. in 8. *Enarrationem paraphraſticam Euangeliorum Quadrageſimalium*, Antuerpiæ apud Plantinum 1570. *Enarrationem paraphraſticam Epiſtolarum Quadrageſimalium*, Louanij 1573. *In Paſſionem Domini Commentaria*, & *In Daniele Prophetam pro Concione explicatum*. Antuerpiæ excudit Bellerus 1576. Scripſit & ſermone vernaculo *de vera Corporis Chriſti in Euchariftia præſentia*, Antuerpiæ 1580. *Commentaria eiufdem in Threnos Ieremia*, leguntur Louanij apud ſui Ordinis Sodales. Deceſſit Audomaropoli 1580. quo ob Catholica Religionis ſtudioſum pulſus in exilium ab Hæreticis fuerat.

IACOBVS CVRTIVS Brugenſis I. C. Primarius Magiſtratus Brugenſis Conſiliarius, & Graphæus. Scripſit *ΕΙΧΑΣΜΟΥ* ſeu *Conſequentialium Tomos II* Louanij 1554. Antuerpiæ 1589. & Francofurti 1598. Plura id genus Critica Brugis apud hæredes latent. Præterea *Inſtitutionum Iuris Ciuilis lib. II. ex Græca Theophili Antecęſſoris Paraphraſi Latinos fecit*, Piſctauit, Colonia, & Louanij editos, eoſque dedicauit viro ampliffimo D. Iacobo ab Halewijn, Equiti aurato, Domino de Maldegghem, Wkercke. Fuit Curtius Philoſophiæ præceptis & Iuris ſcientiâ egregiè imbutus & formularum forenſium ſcientiffimus.

IANVS LERNVTIVS Brugenſis, natus anno 1545. Idibus Nouembriſ, vineta ſolutaque numeris oratione promptus, ac magni illius Iuſti Lipſij Gallia, Germania:que Academiaſ luſtrantis indiuiduus Comes, vir eximij candoris fuit, & doctri-
ne excellentis. Scripſit *Ocellos Poemata*, Antuerpie typis Plant. 1579. *Epincium Ambroſio Spinola dicatum*, ibidem excudit Verduſſius 1607. *Epicedium ſue funus Lipſianum*, ibidem 1607. *Idyllia Filio Dei & magna Matri Virgini ſacra*, Lo-
 uanij apud Maſium 1602. *Encomiaſtica*, *Ordinibus Flandria*, 1604. Brugiſ. *Baſia* item & *Initia ſue de creatione mundi atque Epitaphia, aliag.*, Lugduni Batau. edita 1614. Denique *Caroli Flandria Comitum martyris vitam proſa oratione*, quomodo & ante annos propè quingentos conſcripſit Galterus Teruacenſis, editam nuper Lutetia.

IOANNES ALNOSIVS Brugenſis, Medicus Tibure in Latio clarus anno 1557. edidit libellum *De Nummiſ antiquiſ ac marmoreiſ inſcriptionib.*, teſte Dionyſio Harduino in ſuo mſc. Nomenclatore Virorum Flandriae eruditorum, qui iuueniſ illaſ Italiae oraſ diligenter luſtrauit.

IOANNES AB ARVNDINE Carmelita Brugenſis, Epico-
 pus Vſbitenſis & Suffraganeus Dauidiſ Epico-
 pini, viuebat 1495. quadragenariuſ teſte Trihemio. Scri-
 pſit recenſente eodem & Petro Lucio *Leſturam notabilem in*
librum Sapientia, Commentarium in Epiſtolam Pauli ad Roma-
noſ. In Pſalmum, Beati immaculati. Sermones de tempore &
Sanctiſ.

IOANNES CAMPIONVſ Canonicuſ Diui Donatiani Bru-
 genſis, vir litteriſ inſigniſ, memoratur à Iacobo Meyero in
 Annaliſ Flandriae ſub annum 1362. quo ille deſuit eſſe in
 viuiſ.

viuis. Vnde hæc ad verbum in libro obituum, illic exstat memoria. Obitus commendabilis Rhetoris ac Poetæ Domini Ioannis Campioni Scholastici, & Canonici huius Ecclesiæ, qui dedit LIV. solidos.

IOANNES CASENBROTIVS, Vir corporis ingenijque dotibus amabilis quidem, principibusque in aula Belgica viris percharus, atque adeo amicitia & familiaritate Lamoraldi Comitis Egmondani (vt ait Harduinus) passim notus, cui Flandriam Arthesiamque gubernanti fuit à Consiliis, sed quod nō satis ex fide consulisset, & Iconoclasticę an. 1566. auctor haberetur, Ferdinando Aluaro Toletano Albæ regulo Belgium procurante, in arce Viluordiana cum aliis quibusdam coniuratis capite plexus, docuit infœlix suo exemplo, malum Consilium consultori esse pessimum. Ingenium habuit in numero, vt qualibet de re ex tempore ferè, disertè diceret memoriter. Exstat eius *Oratio in quodlibetico* Louanij 1558. habita cum aliis quibusdam in funere magnorum virorum dictis. Legitur & *Carmen elegans in laudem Marci Laurini & Huberti Goltzy*. Item *Epistola præfixa Operi Petri Pecquij in Tit. Iuris de re nautica*. Ita Europæ toti perniciofa illa Calviniani dogmatis pestis viros etiam alioquin magnos adflauit & perdidit.

IOANNES ALARTIVS Minorita, insignis suo quo florebatur tempore Ecclesiastes ac supremus Lector Theologus, ex culus Schola, velut ex equo Troiano, famosissimi quique Patres postmodum Prouinciæ Lectores prodierunt. Cuius vitam sanctitate plenam placidissima mors suscepit, anno 1563.

IOANNES DELRIO Brugenſis I. V. Licentiatus, Proto-
notarius

notarius Apostolicus & Ecclesiæ Cathedralis Antuerpiensis Decanus ac Vicarius Episcopi, edidit habitam à se *Orationem in suæ Reuerendissimi Domini Ioannis Miræ Antuerpiensis Episcopi*, typis Plantinianis anno 1611. item expositionem moralem Psalmi 118. *Beati Immaculati*. Alium quoque librum, cui titulus, *Fasciculus Myrt hæ*, siue expositio in Septem Psalmos pœnitentiales. Obiit anno Domini 1624. cum multa ante piis locis ac hominibus liberaliter donauisset.

IOANNES CASTELIUS Chelius Flander ex Padonomo nobilitatis Flandricæ, pastor animarum Sômerghemiensis, Latini ac Græci sermonis callentissimus fuit, edidit *Institutiones artis Grammaticæ*, collegit & *Epithetorum farraginem*, typis Plantini 1573. fertur quoque Latinè reddidisse quædam *Veterum Græcorum Epigrammata*, itemque *Paraphrasim in Hesiodi opera*, & *Dies cum Commentariis elaborasse*. Legitur denique *eiusdem Elegia in C. Iulium Cæsarem Huberti Goltzy* satis ampla.

IOANNES DE WITTE vir de Brugenfi Rep. optimè meritis ex Ordine Fratrum Predicatorum, primus in America Cubensis Ecclesiæ fuit Episcopus. Instituit in patria Lectionem publicam eloquentiæ & Historiarum, quam aliquando Ioannes Otto & Iacobus Cruquius tenuere. fuit à confessionibus & Eleëmofynis Eleonoræ Lusitaniæ & Franciæ Reginæ. Moritur anno 1540. apud Dominicanos sepultus.

IOANNES EYCKIUS Pictor celeberrimi nominis, frater Huberti, de quo supra, inuentor colorum oleo è lini semine expresso mixtorum, quibus ipse solebat sua pingere tam

in tabulis ligneis quàm telis hic multas à se depictas imagines misit ad Alphonsum Aragonium Regem Neapolis, ad Federicum item Urbini Ducem, & ad Laurentium Medicum S. Hieronymum artificiosissimè laboratum. Multa eius visuntur Ipris, Brugis & Gandavi, vbi honestissimè vixit. Eius tabulam Gandavi in æde Cathedrali positam, quæ Triumphus agni est, cùm Philippus Secundus Hispaniarum Rex mirum in modum desideraret, nec auferre daretur, iussu Regis acceptâ duorum millium ducatorum mercede præter victû & alias impensas, iterùm pinxit Michaël Coxius. Memoratur hic Ioannes à Georgio Vafaro & Ludonico Guicciardino, & Carolo Vermanderio, multisque elogiis celebratur. Sepultus est Brugis in D. Donatiani cum hoc Epitaphio: Hic iacet eximiâ clarus virtute Ioannes, &c.

IOANNES FENINVS Brugenſis, ad D. Donatianum Canonicus, in patria doctrinæ nomine clarus fuit, & aliquid elucubraſſe fertur in Philosophia, quod hætenus non vidi (ait Harduinus.) Extant verò aliquot Erasmi Roterodami ad hunc Epistolæ.

IOANNES FERDINANDVS frater Caroli, de quo suprà actum est, Brugenſis, vir vndeque doctissimus, Philosophus, Orator ac Poëta celebris, diuinarum Scripturarum non ignarus, ingenio subtilis ac eloquentiâ famoſus. Caroli VIII. Regis Gallorum Musicus, ab eodẽ perpetuo stipendio donatus. Scripsit multa tam metro, quàm prosâ de S. Ioanne Baptiſta, Orationes, varias Epistolæ, & Epigrammata multa. Horas composuit S. Crucis & Compassionis S. Mariæ Virginis, Parisiis excuſas. Claruit 1494.

IOANNES DE BRUGIS, teste Dionysio Harduino, scripsit librum *De varietate Astronomia.*

IOANNES FEDERICVS Minorita Brugenſis, vir ſanè omnium calculis ſapientiſſimus, doctiſſimus, atque Deo deuotiſſimus. Qui ob ingentem animi dexteritatem atque manſuetudinem, ſecundò pacatiſſimè Prouinciã Flandriæ miniſter Prouincialis exiſtens, gubernauit. Naturę debitum exoluit anno 1554.

IOANNES GLAPIONVS Minorita, vitâ & eruditione præcellentiſſimus, ac ſuâ ætate diuini Verbi præco celeberrimus. Qui poſteà in Romana Curia Generalis Commiſſarius, & Procurator Ordinis, necnon huius ac Prouinciæ Burgundiæ Prouincialis exiſtens, ob ſingulares virtutum prærogatiuas, vberem ſacram, & non vulgarem multarum rerum prudentiam ab inuictiſſimo Imperatore Carolo in Confeſſorem eſt aſſumptus. Tandem cum à Reuerendiſſimo Patre Generali Miniſtro Franciſco Licheto ordinatus fuiſſet Commiſſarius generalis, ad partes Indianas dictas Les Perles Infideles, antequam commiſſionem executioni mandare valuit, Valliſoleti Prouinciæ Caſtellæ ſummo cum omnium luctu eſſe deſiit, anno 1522. die 15. Septembris. Inter cætera priuilegia à Summo Pontifice Leone Decimo accepta, viuæ vocis oraculo impetrauit, vt in nocte Natiuitatis Chriſti, omnes fratres Brugis morantes ab omnibus quantumlibet grauibus punctis poſſent abſolui, dummodo ſpe huius Indulgentiæ, nullum graue crimen amiſſiſſent.

IOANNES DE TECTO Minorita, vixit anno 1515. fuitque vir doctiſſimus ac omni pietate & ſcientiarum genere aſſatim reſertus. Idem anno 1523. zelo Dei & animarum accenſus, inter primos Occidentales Indias adiuit, binosque ſocios aſſumpſit, Patrem videlicet Ioannem de Aora Con-

cionatorem eximium fratremque Petrum de Muira, à Gandauo dictum, quodè videlicet Gandaui in Flandria natus esset.

IOANNES ROYARDVS Minorita, non solum in Conuentu Brugenfi annis viginti quinque doctissimi Concionatoris munere assidue functus est, verum etiã postquam Commissarius generalis in Scotia fuisset, totum penè orbem eximiis prædicationibus, atque Scriptis in vniuersa totius anni Euangelia & Epistolas illustrauit, tandem Brugis in naui Ecclesiæ anno 1547. sepelitur. Vile plura in Catalogo Scriptorum Flandriæ.

IOANNES MEMMELINCK Pictor clari nominis, recensetur à Carolo Vermanderio in suo de Pictoribus Belgis tractatu. Floruit ante tempora Petri Poerburck, eius opus aliquod memorabile exstitit Brugis in ædícula sancti Ioannis.

IOANNES IACOBS Presbyter, Ecclesiæ Cathedralis Brugenfis Canonicus, edidit Antuerpiæ apud Ioannem Knobbarum 1622. Latine Compendium ceremoniarum, quibus hodiè in diuinis officiis Romana Ecclesia vtitur. Liber Dionysio Christophori, Reuerendissimo Brugenfium Episcopo inscriptus est.

IOANNES OTTO Brugenfis, primùm Gandaui iuuentutem vtraque instituit Lingua, hinc Duysburgi in Chuiâ post Georgium Cassandrum vixit & docuit. Scripsit *Introductionem in historiam Romanam*, Brugis apud Goltzium anno 1565. cum *Breuiario Sexti Rursi Festi excusam. Apophthegmata & præcepta XII. Sapientium*, quique iis connumerantur, edidit Græco-

Græco-Latina, Antuerp. typis Plantini in 8. dedit & *Urbis Gandaëniæ*, siue topographiam ac chorographiam eiusdem, item *Luberti Hausschilis Abbatis S. Bartholomæi Eechoutani vaticinium* toti Flandriæ fatale, anno 1558. inchoatam primus in lucem reuocauit. Vertit idem Latinè è *Plutarcho tria Opuscula*, Gandaui cusa, anno 1555. & 1556. *De puero-rum institutione* cum Scholiis, *de complurium amicitia*, *de esse carnum* Commentarios duos in quarto. Exstat & eius *Breuis descriptio* eorum quæ à Senatu Populoque Gandensi, Philippo Caroli Cæsaris filio ac hæredi Gandaui exhibita fuere.

IOANNES STRATANVS Brugensis Pictor elegans. eius mentionem facit in vita Michaëlis Angeli Bonaroti Pictoris omnium famosissimi Georgius Vaserus Aretinus in suo de Pictoribus, Sculptoribus, & Architectis celebribus volumine. Vide Carolum Vermanderium qui eum Florentiæ in Hetruria celebrem vixisse asserit.

IOANNES VASAEVS in patria pænè puer nondum exacto decimo octauo ætatis anno, ab amicis & propinquis docendæ iuuentuti destinatus, tanti laboris impatiens Louanium profectus est Hebraicis litteris operam daturus: nam eo pretextu missionem impetrarat; dum verò Iurisprudentiæ totus vacat, Nicolai Clenardi hortatu ac Ferdinandi Colonis auspiciis in Hispaniam concessit, & Methynnæ in Isabellæ Augustæ aula atque Hispali in Bibliotheca Colonica triennio consumpto, Salmanticæ ad intermissa Legum studia reuersus est, inuitatus à Francisco de Valle Prætorè Antuerpiano, vt filij studia dirigeret, moresque formaret. quo ante diem vita functo publicæ professionis Cathedram Gymnasij Rhetor

ascendit. hinc in Lusitaniam ab Henrico Card. Ioannis Regis fratre missò Salmanticam, auctore Clenardo, vocatus primùm Bracaræ, dein Eboræ iuuentutem Lusitanicam annos ipsos 12. erudit. Demum Salmanticensis Academiae Senatus decreto in Hispaniam accersitus, diem ibidem clausit extremum, relictis vxore ac liberis. Hæc ferè de vitæ suæ cursu recitat Vasaëus ipse, in Chronici sui Proœmiis. Stripfit *Chronicon Hispania*, Coloniae anno 1577. Collegitque *Rerum atque verborum indicem ex Chiliadibus Erasmi Rotterodami*.

IOANNES WASIANVS Pastor D. Walburgis Brugenfis, vir in fide constans. in schismate inter Vrbanistas & Clementinos in concionibus ad populum constanter adfirmabat, Clementinos omnes excommunicatos & maledictos esse. Hunc si Philippus Audax Princeps comprehendere potuisset, haud dubiè necasset, cum summus Antipapæ fautor esset, sed clam fugit Gandauum, & inde Leodium, spreto, quod Brugis habebat, Sacerdotio. Meyerus lib. XIII. Annalium in Margareta Maleana; sunt qui asserunt eum de *Schismate & Schismaticis* scripsisse quædam.

IVDOCVS DAMHOVDERIVS: natus est anno Domini 1507. 7. Kalend. Decembris Brugis, vir à se & à moribus clarissimus I. V. Doctor & Eques, primò Brugenfi Reip. postea per annos triginta Cæsari Carolo V. & Philippo Secundo Regi Catholico in Belgio à Consiliis fuit: res fisci cum fide administravit: littoris Flandrici Præfecturam cum laude gessit, iustitiæ cultor, scelerum vindex. Iuuenis Louanij 1527. Nicolaum Heems de Capella siue Bruxella & Ioannem Hafium, Aureliis Aurelium Robertum aliosque docentes diligenter audiuerat, quos cum honore passim nominat. Librorum

rum suorum Catalogum ipse contexuit appendice ad Praxin criminalem hoc ordine : *Patrocinium pupillorum minorum & prodigorum*, Brugis 1544. & alibi, Gallicè Bellerus Antuerpiæ excudit 1567. *Subhastationum exegefin compendiosam*, cum patrocinio ferè editam Gallicè Gandavi 1564. *Enchiridion rerum criminalium*, Antuerpiæ, Lugduni, & alibi, Gallicè Louanij 1554. Flandricè ibidem 1555. & Germanicè Francofurti 1565. *Praxin rerum civilium*, quibus accesserunt demum Nicolai Tuldeni *nota practica*, Antuerpiæ 1617. *Similia & paria Iuris utriusque*, Antuerpiæ 1601. cum *Notis Tuldeni*, *Paraneses Christianas*, Antuerpiæ 1571. *De magnificentiâ politia civitatis Brugarum*. *Orationem panegyricam in laudem Hispanorum negotiatorum*, Louanij 1558. *Speculum conscientia*, Latinè, Gallicè, Flandricè adhuc ineditum. Obiit Antuerpiæ anno 1581. Sepultus Brugis in Divæ Virginis. Filium habuit Ludouicum in Concilio Flandriæ Senatorem.

LAMBERTVS Morinorum Episcopus, patriâ Brugenſis. Cancellarius antea Rhemenſis. Obiit anno 1207. 12. Kal. Iunias; memoratur à Iacobo Meyero lib. 8. Annalium Flandriæ circa principium. An quidpiam conſcripſerit, & ad poſteros tranſmiſerit, ignorare ſe fatetur Dionyſius Harduinus.

LANCILOTVS Pictor Brugenſis præſtantiffimus, à Iudouico Guicciardino memoratur in ſua Belgij deſcriptione, à Georgio item Vaſar. Aretino, in ſuo de claris Pictoribus, Sculptoribus & Architectis volumine. vide & Caroli Vermanderij vitas Teutonico Idiomate de eodem argumento ſcriptas. Fuit Lancilotus ſocer Petri Poerbuſch, cuius eximia quædam tabula viſitur in Æde Franciſcanorum Brugenſium in ſacello Genuenſi, in qua nomē IESV adoratur.

LEONAR-

LEONARDVS CASENBROTIVS Brugenſis, patriæ ſuæ quondam Conſul ſeu Burgimagiſter, Iuris & omnium artium doctrinâ ornaſſimus. Scripſit *Carmina, Epistoſas & Orationes*, Eraſmo Roterodamo perquàm familiaris, ad quem illius multæ exſtant Epistoſæ, & huius ad Eraſinum.

LVBERTVS HAVTSCILTVS Abbas S. Bartholomæi in Eechoute Brugis, quæ Abbatia eſt Canonicorum Regularium Ordinis S. Auguſtini; in Concilio Conſtantienſi fuit, & à Patribus illic ob virtutem & eruditionem mitram accepit. Eius quædam in membranis exſtant; fatale verò Flandris eius vaticinium Ioannes Otto euulgauit. Illius initium eſt, Gibid vae tibi, nam de te facis ipſa ruinam. Egregius fuit Mathematicus, vti aſſerit Dionyſius Harduinus in ſuo de Scriptoris Flandriæ claris mſc. tractatu. Fuit & Lubertus Illuſtriſſimorum Principum Biturigum Burgundiæ, Flandriæ Conſiliarius, & nobili loco natus, floruitque circa annum Domini 1450.

LVCAS WYNGAFRDVS Brugenſis nobili loco natus, vir Græcè ac Latinè doctiſſimus. Scripſit Verſus varios vtraque lingua. legitur inter alia ipſius *Carmen elegans* in nuptias illuſtris viri Balthaſaris de Cuniga Herois Hispani, cum nobiliſſima virgine Odilia de Claerhout filia Toparchi Maldeghemiensis, impreſſum Antuerpiæ apud Ioannem Moretum ex officina Plantiniana.

LVCAS FRVTERIVS Brugenſis, nam

Bruga nobili

Beauit ortu, Ganda facilem vna ingenij

Dedit artibus madere liberalibus.

Loua-

*Louanium & Luretia vsque in vltima
Antiquitatis intima penetralia
Subire :*

Summi ingenij & maturi Iudicij Criticus fuit , inter prima Belgij nostri futurus ingenia, si vixisset. Testes sunt *Verissimum libri duo*, opus Criticum, *Versus Miscelli* à morte typis Plantinianis editi : quæque in *Zucretium adfecta* habuit: quibus non parum adiuti, qui post Lambinum auctorem illum, confectione illustrarunt : vt ad Triumviros amoris notauit Ianus Douza cum insigni Fruterij elogio. Testis Epistola benè longa ad M. Antonium Muretum qua Festi Pompei loca mutila & lacera restituantur, Mureti Epistolis inserta, adde *Iulij Seueriani Symptomata* Rhetorices ab eodem eruta & edita. Plura in lampade seu face critica Ianus Gruterus edidit. Obiit Parisiis magnæ spēs maxima Brugæ nondum quintum & vigesimum natus annum.

I. LVDOVICVS VIVES origine Valentinus, at diuturnâ habitatione Brugenſis, vir fuit primis maximisque æui præcedentis hominibus comparandus. breuiter scripta eius recensebo. Scripsit itaque *De ratione studij puerilis Epistolæ duas*, *Introductionem ad veram sapientiam*, *Satellitium animi*, siue symbola ad omnem totius vitæ maximè principum institutionem mirè conducentia, Basileæ 1537. *De conscribendis epistolis libellum*, ibidem 1536. *Latina Lingua exercitationem*, ibidem 1538. *In Bucolica Virgilij interpretationem*, 1539. *De somno & vigilia librum*, Basileæ 1521. *Rhetorica libros tres*, item de *Consultatione librum unum*, Basileæ anno 1557. *De corruptis artibus ac tradendis disciplinis*, lib. 20. Antwerp. 1531. *Librum contra Pseudodialecticos*, Seleſtadij. *De virtute fucata*, librum unum, *De anima & vita*, libros tres, *Declamations sex de*
H præsen-

presen i' l'au' Europa & bello Turcico, diuersa opuscula Basileæ
 anno 1528. De concordia & discordia humani generis, lib. 4. De
 pacificatione, lib. 1. De Christi morum vita miserrima sub Turca,
 lib. 1. Lugduni 1532. De subuentione pauperum, lib. 2. ibidem.
 Sacrum diurnum de iulore Christi, Meditationem de Passione
 Christi in Psalmum 37. De institutione femina Christiana, libros
 tres, De officio mariti, librum. Excitationes animi in Deum Pra-
 parationem animi ad orandum, Commentaria in Orationem Domi-
 nicam, De veritate fidei Christiana, lib. 5. Commentaria in libros
 de Trinitate Dei, Argumenta in plerosque libros Philosophia Ari-
 stotelis. Transulit Isocratus duas Areopagiticam & Nicoclem,
 Basileæ anno 1538. Ipsum lingua Latina, De communione re-
 rum, De sudore, Progymsmata, Descriptionem temporum ac re-
 rum Romanarum, sub Ioannis Walseny nomine, Louanij 1534.
 Libellum de charitate Dei ac proximi, De prosperis & aduersis, Epi-
 stolam de Francisco Rege capto, item, De pace inter Casarem &
 Gallia Regem, Deque optimo regni statu, De tempore quo natus est
 Christus, Clypeum Christi, Triumphum Christi, Orationem Di-
 pare, Veritatem fucata, Animam senis, Initia sectarum, Fabulam
 de homine, Praefationem in Georgica Virgily, in Ciceronem de
 legibus, Geneethliacon Christi, Pompeium fugientem. Claruit an-
 no 1540.

MARCUS LAVRINVS Brugensis Waterfietti Dominus,
 Guidonis frater, historiarum & antiquitatis omnis velut
 promus & condus. Huberto Goltzio Antuerpiâ accersito,
 eodemque in Italiam, Germaniam ac Galliam misso ad an-
 tiquitatis omne genus conquirendum, reducis Goltziji ope-
 râ Fastos Consulares & fastis Capitolinis ac nummis, mira qua-
 dam elegantia a se concinnatos atque digestos publica-
 uit, vt Goltzius ipse in C. Iulio Casare ad Laurium præ-
 fatur. Cætera quoque Numismata omnia pari ordine, atque
 congrui-

congruitate disposuit in Caio Iulio Cæsare, Historia Augusta Magna Græcia à Goltzio vulgatis. Cœperat perducto ad umbilicum Augusto reliquos deinceps ad Domitianum Cæsares simili venere & elegantia expolire, sed bellis ciuilibus vndique in Belgio exorientibus, spoliato in itinere Ostendano, maxima Thesauri antiquarij parte Laurino, & typis Goltzianis à seruo fure ablati, pulcherrimi illi conatus planè conciderunt, magno rei litterariæ damno. De Marco & Guidone Laurinis nobilissimis fratribus ita Iustus Lipsius libro secundo Epistolicarum quaestionum, epistola primâ: *Fateri debemus, Bruges vestre Belgij nostri fides sunt pariter, ut olim Græcie oculus Athenæ; nusquam à multis annis ingeniorum felicior prouentus, nusquam doctrine uberior seges, in qua eruditorum luce vos Laurini fratres sic eminent, ut pura nocturno renidet luna mari, Guidinque Gyges.*

MARCUS GERARDVS Pictor famosus & Mathematicus ciuitatis Brugenfis, cuius multa in vtraque arte sunt opera. *Dimensus dicitur 1563. Brugenfis urbis magnitudinem, quæ sit decem millium quadringentorum septuaginta duorum passuum communium in circuitu, quorum singuli passus contineant pedes duos cum dimidio, & duo communes contineant quinque pedes qui constituunt vnum passum Geometricum, singuli verò pedes vndecim latos pollices.*

MARTINVS EVERARTIVS Brugenfis, Mathematicus & Medicus. Scripsit *Varias Ephemerides Meteorologicas ad longitudinem 27. latitudinem 51. graduum, anni 1583.* præterea easdem produxit ad annum 1615. apud Commelinum impressas Heydelbergæ anno 1600.

MARTINVS HAWWELIVS Eeclonianus Dionysij Harduini amicitus veteri & pranobili stirpe prognatus, Auescotij, Warmesij, & Bardelariæ Toparchus, Ioannis filius, Christiani nepos, Hebraicè, Græcè, Latinè non vulgariter doctus, poeticesque studio delectatus. Scripsit Versus eruditos ad Ianum Douzanum, Carolum Vtenhouium, Lucam Fruterium, & alios Poetas suæ ætatis, quorum nonnulli inter Douzæ poemata leguntur. Elegans item *Carmen in librum Ioannis Carety Theologi* eruditissimi, de Sanctorum inuocatione. Moritur Veriæ in Valachria, Insularum Zelandicarum præcipua, intimus Auraico Principi, ad quem (ut ait Harßlinus) nescio quo cæstro percitus transfugit.

MATTHIAS LAMBRECHTVS è Pago S. Laurentij, qui pars est territorij Maldeghemienfis, oriundus, S. Theol. Licentiatus, Pœnitentiarius, pòst Archidiaconus, demum defuncto Remigio Driutio Tertius Brugenfis Ecclesiæ fuit consecratus Episcopus, anno 1596. Ensisit in lucem volumen Teutonicà Linguâ in folio, *De vita, morte, & passione Sanctorum*, cum longa & luculenta præfatione ad Senatum Populumque Brugensem. Adiuncta est eidem libro *Historia Ecclesiastica*, etiam Teutonico idiomate, à Christo nato ad sua vsque tempora, firmitatem & perpetuitatem doctrinæ Catholicæ in Romana Ecclesia per successiones sæculorum egregiè demonstrans. Functionem Episcopalem cum summa laude gessit, ac de Repub. Christiana vir optimè meritus est.

MATTHIAS PAVLLI Hæsseleti (quod est territorij Ieodienfis oppidum) natus, Ordinis Eremitarum D. Augustini, Brugis Flandrorum per duodecim annos Prior fuit: & magno applausu vniusque Magistratus & totius ciuitatis Brugen-

Brugensis congratulatione anno 1622. aperuit in sui Ordinis Conuentu Scholas humaniorum litterarum sub honorando Patre Georgio Maigretio S. Theologiæ Doctore Louanienti, & eiusdem Ordinis per inferiorem Germaniam Priore Prouinciali: Scripsit opuscula quædam sermone patrio siue Brabantino, quorum huiusmodi tituli: *Fasciculus deuotionis*, continet hoc Opusculum Officium paruum nominis IESV & S. Annæ. Meditationes & Orationes in vitam Christi, & Soliloquium deuotissimum animæ cum Deo in omnibus actionibus tam corporalibus quàm spiritualibus, Gandau apud Cornelium Marium anno 1615. *Cingulum militiae*, siue *Speculum iustitiæ Christianæ*, Tom. II. in quibus tractat de Institutione Confraternitatum Quatuor Ordinum Mendicantium, De vita S. Nicolai Tolentini, De Processionibus siue Itineribus Saluatoris nostri, quæ fecit è caelo in hunc mundum, & è mundo rursus in celum, De virtutibus & vitiis, De modo assistendi & adiuuandi agonizantes, Gandau apud Marium, anno 1619. *Historia Venerabilis Sacramenti miraculosi, Herckenrodiani, Bruxellensis, Louanensis, & Gandensis apud Augustinianos*. In quas quidè historias pulcherrima conscribit documenta, quibus inserit omnia ferè miracula, quæ in confirmationem fidei Venerabilis Sacramenti Eucharistiæ contigere per totum orbem terrarum, Antuerpiæ apud Wolschatium 1620. *Arbor uita proferens fructus duodecim*, siue *Considerationes Eucharisticæ*, per quas Christus consideratur in sacra Communione sub duodecim diuersis titulis seu officiis. habet in eodem opere dilucidam explicationem omnium ceremoniarum Missæ iuxta usum Missalis Romani recogniti autoritate Clemētis VIII. Gandau apud Marium. *Officium paruum in honorem S. Ioseph sponsi B. Mariæ Virginis*, Latine & Flandricè, quod & in linguam Gallicam transtulit (adiunctis plurimis ex eiusdem authoris

libris desumptis orationibus) nobilis D. Philippus de Vliesberghe. In quo quidem officio distinxit author per Psalmos mellissimum illud Psalterium D. Augustini, quod tom 9. composuit matri suæ Monica. extat Latine Antuerpiæ apud Wolschatium 1619. Flandricè Gandavi apud Marium 1621. Gallicè Duaci apud Ioannem Bogaert anno 1621. *Speculum perfectionis ad instantiam nobilissimæ D. micelle mundo & aledicentis*, Antuerpiæ apud Wolschatium anno 1621. & 1622. *Threni*, siue *Lamentationes Christi super ingratitude Iudaorum & peruersorum Christianorum*, Tom. II. Aperit in eo opere multa eaque præclara mysteria & beneficia nostræ creationis ac Redemptionis, decorauitque triplici Indice, unde Concionatores abundantem materiam haurire valent pro concionibus formandis, & deuoti pro Meditationibus instituentis, Louanij apud Hastenium anno 1623. & 1624.

MICHAEL BLommardus Ordinis B. Mariæ Virginis de monte Carmelo, Philosophus acutus & Theologus. Scripsit librum *De futuris contingentibus*, & *Sermones per annum*. Memoratur ab Arnolde Bossio Carmelita, libro de Viris illustribus sui Ordinis.

NICOLAUS BYCERUS Brugensis, teste Dionysio Harduino, etiam quædam scripsit, sed legi prohibita. de eo nihil amplius inuenio, nisi quædam hæreticum Caluinistam fuisse arbitrer.

NICOLAUS DRUMÆUS Brugensis. huius, teste eodem Dionysio Harduino, *Græca & Latina Carmina* doctè scripta in lucem edita sunt.

NICOLAUS ROMÆUS Brugensis, Societatis IESV Theologus

logus in confutandis ſectariorum dogmatibus ſerè verſatur, præſertim natis aut renatis è Caluini cerebro. Pulchrè ſanè, vt non Caluini ipſe auctor, quàm ſe Caluinus refutet propoſita *Ieanis Caluini Neuiodunenſis nona effigie* centum coloribus ad viuum expreſſa ſiue Caluino *εἰκὼς ζωγραφισμένη*, quia Caluinus mendax, blaſphemus, Tortor, Syco- phanta, aliifque coloribus aliis exprimitur, cum *digreſſione de prædeſtinatione ac iuſtificatione*, Antuerpiæ typis Hieronymi Verduſſij 1622. in fol.

NICOLAUS SCHOONHOVIUS apud Diuum Donatium Brugis Canonico Sacerdotio inſignitus, ac vir litteraturâ inſignis fuit: *Orationes* etiam *quaſdam* luculentas & erudititas, vt ait Dionyſius Harduinus in ſuo de Scriptoribus Flandriæ Catalogo, habuit; Bibliothecam etiam poſſedit præter cæteras Brugis præſtanti. vixit anno 1550.

NICOLAUS SASIUS Societatis IESV Sacerdos, vir in ſæcularibus præſertim litteris egregiè verſatus, quæ edidit, hæc ſunt: *Lima Ciceroniana*, ſiue *de ſtilo liber ſingularis*, *de Pulchritudine B. Mariæ Virginis diſceptatio quodlibetica*, *Pœmata*, *Elegiæ Mariana*, *Lufus Anacreontei*, *Drama Comicum*. Pluribus in locis cum inſigni laude, fructuque audientium Rhetoricam docuit, & Theatra eruditis declamationibus exornauit.

NICOLAUS MASIVS Minoritæ Ordinis, Doctör ſacræ Theologiæ, Episcopus Sareptanus ac Suffraganeus Tornacensis. Cuius corpus in Choro in parte meridionali requieſcit. Anno 1438. vndecimâ Iulij viam vniuerſæ carnis ingreſſus eſt.

NICOLAUS DESPARSIUS, Vir Consularis, scripsit *Dia-
ria rerum Flandricarum*, uti in Flandriæ descriptione te-
statur Marchantius.

ODOVARDUS WESTONVS, Anglus, S. Theolog. Doctor,
& Brugis in æde Collegiata B. Mariæ Virginis, Canonicus,
vir raræ eruditionis ac virtutis. Scripsit *Theatrum vite civilis
ac sacra*, siue de vtriusque principiis dogmaticis, libros quin-
que ad Carolum Walliæ Principem. Edidit quoque anno
1613. *Iuris Pontificij Sanctuarium in Rogerium Wid-
dringtonum*.

OLIVERIUS VREEDIUS I. C. politissimi vir ingenij, ac
Græcè Latineque doctissimus, varios hætenus edidit, ut
amicis potissimum gratularetur, magno stili nitore ac ele-
gantia Versus: viuit etiamnum, plura mox, uti speramus,
eruditionis suæ monumenta Reip. litterariæ collaturus.

OPITIVS ADORNIUS Patricius Brugenfis, Eques & e-
iusdem Reip. aliquoties Consul, rerum civilium cogniti-
one, aliaque politiore litteratura egregiè imbutus fuit. Scri-
psit *Versus varios*, teste Dionysio Harduino in suo de viris in
Flandria eruditione illustribus msc. Catalogo, quorum pars
aliqua typis euulgata legitur. Claruit & familiaritate ac
amicitiâ iusti Lipsij, illique Ianus Lernutius Epicedia sua
seu funus Lipsianum ob virtutis & eruditionis præstantiam
dedicauit.

PARSEVALDVS BELLIGHEMVS Brugenfis cæcus natus,
Lutetiæ Parisiorum insigni nominis famâ floruit circa an-
num 1530. & iuuentutem Bogardicam in Collegio Gerua-
siaco instituit, inque suæ solatium calamitatis scripsit *Scholia*
in *Quint-*

in Quintiliani vulgò creditam pro caco contra nouercam declamationem, typisque excudi curauit. pro symbolo illud Psalmitę vsurpabat: Dominus illuminauit cacos.

PASCHASIVS IUSTVS Eeclonianus, artium & Medicinę Doctor. Scripsit *De alea seu de ludendi in pecuniam curanda cupiditate, libros duos*, elegante stylo. Priore libro medicā planęque methodo omnis grauiissimę & ignotę vsque ad hoc tempus adfectionis natura, causę & effectus, tanquam immanis & sæui alicuius morbi explicantur; altero, quā potissimum curatione adhibitā insatiabilis flagitiosaque cupiditas euelli ex grauitè agrotantium animis possit, explanatur, tum si contumax erit quā ratione edomari & comprimi possit edocetur. Auctor dedicauit librum perillustri viro Maxæmiliano à Burgundia, Wackens & Capellæ Domino, Belgicę Classis ac maris Præfecto. Prodiit Basileę anno 1561. apud Oporinum, & Francofurti, anno 1616.

PETRVS BVRRVVS Brugenfis, Canonicus Ambianensis, vti testatur auctor ille qui additionem scripsit ad opus Ioannis Trithemij Abbatis Spanheimensis de Scriptoribus Ecclesiasticis, vir diuinis & humanis litteris clarus. Sub Carolo VIII. Francorum Rege Parisiis floruit, vbi inquit ille tantā bonarum disciplinarum, virtutum, pietatis & religionis celebritate adoleuit, vt plerique, & potissimè Gandincurtorum familia hoc vno solo pro suis liberis instituendis aliisque permuktis nobilioribus adolescentulis vtī voluerit præceptore; nec planè mirandum, vt potè qui vnus inter paucos sua atate eloquentiam, Poësin, ceterasque artes bonas cum sapientia iungere doceret, nec artes sine moribus, mores verò sine litteris prodesse.

Quod quidem eius opera indicant, in quibus, quid potissimum admireris nescias sententiarumne grauiissimarum ac sanctissimarum pondera, an stili poëmaticque varietatem, an rerum verborumque decorem, an lepidum vocularum contextum, an Carminis subinde fluorem ac concentum, denique an sexcenta alia ornamenta, &c. Scripsit *Odarum libros quatuor, Hexametrorum librum unum, Apologorum librum unum, Elegiarum libros duos, Epigram. librum unum, Moralium canticorum de duobus festis, de Aduentu Domini, de Vigilia Domini, de Natiuitate & Circumcisione Domini, de Epiphania, de Ieiunio, de ingressu in Hierusalem, de Confessione & Eucharistia, de Cœna Domini, de Laude Crucis, de Passione & Resurrectione Domini, de Communione Paschali, de Inuentione Crucis, de Ascensione Domini, de Pentecoste, de Trinitate, de Corpore Domini, de Exaltatione Crucis, de Facie Dominica, Hymnos de omnibus Sanctis, de Festo B. Maria, Epistolas & Orationes multas, Pœnas quinque festorum B. Maria Virginis, & alios quosdam Hymnos, Burri commentatus est Badius. Obiit Burrus Ambiani anno Domini 1507.*

PETRVS COLVIVS Brugensis, magni ingenij iuuenis & doctrinæ elegantis, maximus futurus, nî inuida mors lethifero ictu surgentem segetem in herba succidisset. Dedit *eruditæ notas in Apuleium Madaurensem cum msc. collatum typis Raphelengij: reliquit notas nondum adiectas in Sidonium Apollinarem, quas à morte Coluij Ioannes à Woueren euulgauit, qui de amici morte in hæc verba philosophatur: Quisquis vnquam exstitit diuino quondam instinctu excelsior, qui præmunitus robore animi victor & triumphator voluptatum dignâ virtutis indole adiectionauit, malignâ fati lege repentè vt ostensus, interreptus fuit mox: nuperrimè Petrus Coluius emerferat, in quo non exiles ingenij virtutes collegi,*

collegi, quas magis probasset si per inuidiam fati maturuissent, nunc flos iuuenum ostentatus raptusque simul, Solstitialis velut herba solet, vix enim annum 27. attigerat dum fatale (equi calcitrantis Lutetiæ in plateis) hoc ferrum non tantum acerbo, sed tristi ictu ferit surgentem eius Indolem inter ipsa virtutum incrementa. Hæc ille scripsit & *Carmina quedam*, quæ excusa sunt, teste Dionysio Harduino in suo eodem illo eruditorum Flandriæ Catalogo.

PETRUS CVRTIVS Brugenſis, S. Theologiæ Doctor, & in Academia Louanienſi Profeſſor, Paſtor ibidem Collegiæ Eccleſiæ S. Petri fuit (cui in ea paſtorali dignitate ſucceſſit Cunerus Petri à Brauwershauen, qui primus Leonardia in Friſia Epiſcopus fuit) primus renuntiatus eſt Brugenſis Eccleſiæ Epiſcopus, ac ſucceſſorem habuit Remigium Druitium. *Homiliæ quædam* ſcripſiſſe fertur, teſte Dionysio Harduino in ſuo Eruditorum Flandriæ virorum mſc. Catalogo.

PETRUS DE WATTE Brugenſis, cum parentibus Florentiæ in Hetruria habitauit, vbi aſſerit Carolus Vermanderius, multa Romæ in Palatio Pontificis ac Florentiæ in Cupula elaborauit pro Duce Florentino, varia quoque Prototypa perſtromatum ac alia. habitauit & Monachij in Bauaria. Illius etiam Icones aliquot ſculptæ prodierunt titulo Petri Candidi. Fratrem habuit Cornelium etiam foelicem, præſertim in depingendis Campeſtrium locorum figuris pictorem, eſſi ſerò ſtudiis eius artis deditum.

PETRUS GERARDVS Brugenſis, vixit Venetiis anno Domini 1572. quo in foedus victoriæque contra Turcas iuxta ſinum Corinthiacum, anno 1571. Nonis Octob. partam,

Poëmata varia congeſſit ac digeſſit ibidem 8. Vide Valerium Andream in ſuo de Scriptoribus Belgis tractatu.

PETRVS POERBVSCH Piſtor celebris, origine Hollan- dus, ac Goudæ quæ eius Prouinciæ ciuitas eſt, natus. Ab in- cunte etate Brugæ inhabitauit, & filiam duxit Lanciloti, fa- moſi item Piſtoris. Multis laudibus effertur à Carolo Ver- manderio in tractatu de claris Belgij Piſtoribus. varia & elegantia Brugis & alibi eius exſtitere, & etiam exſtant Opera. Fuit & Coſmographus idem ac Geometra eru- ditus: is perpulchrè delineauit Territorium Franconatium.

PETRVS PONTANVS Brugenſis, Cæcus ab oculorum vitio dictus, Lutetiæ Pariſiorum claruit, & in media ſui ſæ- culi Barbarie clarum nomen fecit. Scripſit *Artem Gramma- ticam*, *Scholia in Lucani Pharſaliam*, *Carmen de obitu ac reditu pa- cis*, *Apologiam in eos, qui diuini ſacrificij vocabulis ac ſenſis abu- tuntur*, *Eruditionem vera ac ſaluſifera Confeſſionis proſa ac carmi- ne ad Felicem filium*.

PETRVS VERHEYI. Brugenſis, Iuriſconſultus & Poëta, *Varia & elegantia* ſcripſit *Epigrammata & Epiſtolas*, quas vidif- ſe ſe teſtatur Dionyſius Harduinus in ſuo de Scriptoribus Flandris mſc. Catalogo.

PETRVS GVLIELMVS Minorita profeſſione, & natione Frugenſis, omnium Prædicatorum ſuo tempore Cori- phæus, Neſtoreâ eloquentiâ, prudentiâ, experienciâ ac iu- dicio admirabili fulgens, pluries huius Conuentus Guar- dianus fuit, atque ſecundò Prouinciam Flandriæ Miniſter Prouincialis adminiſtrauit. Tandem primus totius Or- dinis

dinis Diffinitor ac Commissarius generalis Franciæ, Britannia, Flandriæ & S. Andreae effectus, ad superos vocatus anno 1604. magnum sui omnibus desiderium relinquens.

PHILIPPVS DE MALDEGHEM veteri patritiâ, vt ait Harduinus, apud Brugas familiâ natus dominusq; veteris in sua gente Toparchiæ Leyschoti. transtulit *ex Italico in Gallicum Carmen omnia opera poetica Francisci Petrarchæ*, idq; opus suum dedicauit Serenissimo Principi Maxæmiliano Comiti Palatino Rhæni, vtriusque Bauariæ Duci. Impressit Bruxellæ Rutgerus Velpius 1600. Hic generosus vir natus est eâ gente, quæ viros multos produxit celebres non eruditione tantum, sed & artibus militiæ. Superest sanè etiamnum fama Salomonis Maldeghemiensis, qui anno 1089. profectus in Palæstinam cum Roberto Comite Flandriæ interfuit bello Hierosolymitano, & Philippi à Maldeghem, qui de Ferdinando marito Margarietæ Constantinopolitanæ Comitissæ Flandriæ, deque Republica nostra optimè meritus est. Qui quidem cum fratre Petro strenuè se gessit contra Gallos in prælio Bouinensi anno 1213. memoratur & alius Philippus à Maldeghem, qui circa annum 1308. Roberto Bethuniensi Flandriæ Comiti à virtute fuerit amicus, item Leonellus Maldeghemiensis, qui post multa egregia bello edita facinora cum fratre suo occubuit pugna Aznicurianâ, anno 1415. infeliciter pro Francis contra Anglos pugnans, & Theodoricus à Maldeghem, quem memorat Meyerus 1429. in fano Dionysij captum à Gallis, vbi plures alij Nobiles Flandri capti & interfecti sunt, quorum nomina nimis corrumpit Enguerianus.

REMIGIVS DRIVTIVS I. C. & in supremo Mechliniensi Concilio

cilio Senator, dein Secundus Brugenſis Eccleſiæ Epicoſopus, vir Deo Regique fidus, & multa pro Religione Catholica paſſus, obiit anno 1594. Succeſſit in Epicoſicali dignitate Matthias Lambrechtus, poſt quem in eadem Cathedra, Carolus Philippus de Rodoan Gandaui natus, qui ſucceſſorem habuit Antonium Trieſtium, qui poſt ad Gandaueſes Inſulas veniens, locum fecit moderno eius vrbiſ Epicoſopo Domino Dionyſio Chriſtophori, viro magnis animi dotibus prædito.

RICHARDVS DE CAPELLA, Iuriſconſultus eximius, teſte Harduino, Dominus temporalis Capellæ. Idem præpoſitus Eccleſiæ B. Mariæ Virginis Brugis. fertur ſcripſiſſe *Tractatum de reſcriptis*, mortuus eſt anno 1447. ſepultus in Choro ſuæ Eccleſiæ. Hic impetrauit à Nicolao Quinto Papa ſibi ſuiſque ſucceſſoribus Præpoſitis collationes omnium ſacellorum ſuæ Eccleſiæ, cum certis tamen conditionibus quibus debeant conferri. auctor Meyerus in Philippo Bono Burgundione.

ROBERTVS Monachus Patriæ & gente Brugenſis, vir doctus; de quo ita Meyerus libro quinto Annalium in vita Theodorici Elſatij: Anno, inquit, 1138. Diuus Bernardus Abbas Clarævallis in Flandrias venit prædicatum, ubi ſanctis concionibus ac ſalutaribus exemplis multos ad piam beatamque perduxit vitam, apud Furnenſes cum verbo Dei inſiſteret, Dunenſibus cœnobitis Cisterciënſium tradidit inſtitutum, ac Robertum Monachum ſuum, ad quem etiam nunc eius exſtant Episto-læ, patriæ genteque Brugenſem, Abbatem inibi fecit, qui tam celebri famâ floruit Sanctitatis, vt ab ipſo Bernardo iam animam agente electus ſit Abbas Clarævallis.

RODOLPHVS Brugenſis, *Claudij Ptolomæ Planiſpharium* tranſtulit è Græco in Latinum ſermonem præſatione ad Theodoricum Platonicum Præceptorem ſuum ſcripta Tholoſæ, anno Domini 1144. Impreſſit Baſilææ cum Arati Phænomenis Commentario Græco explicatis 1536. Walderus, teſte Dionyſio Harduino, & Valerio Andrea in ſua ſcriptorum Belgicorum Bibliotheca.

ROGERIVS Brugenſis Pictor, vt idem Harduinus ait, excellentiſſimus, ac diſcipulus Ioannis Eyck, à Georgio Vaſaro celebratur in eo quod iam ſepè memoratum eſt de claris Pictoribus volumine, item à Vermanderio.

ROGERIVS IUVENIS Ordinis Eremitarum ſancti Auguſtini S. Theologiæ Doctör, cum Louaniensibus Doctöribus, anno 1551. ad Tridentinam Synodum miſſus, magnâ animi ſubmiſſione recuſauit eſſe ſuffraganeus Tornacenſis, cum id ei à Philippo Secundo Hiſpaniarum & Angliæ Rege Catholico atque à Maria eius coniuge offerretur. ita ex monumentis eiufdem Monaſterij Brugenſis reſertur.

SYLVESTER PARDO, Brugis ſtirpe nobili ex Hiſpaniis oriunda natus, Eccleſiæ Antuerpientiſis Canonicus, ac per multos annos librorum Cenſor fuit, vir prudentiâ ac eruditione clarus.

SIMON BENICHIVS Brugenſis Miniator, vt ait Harduinus, & Pictor inclytus. memoratur à Vaſaro Aretino, in ſuo de Pictoribus libro. Filiam habuit Leuinam æquè in vtraque arte præſtantem, quam nuptui collocauit nobili cuidam viro Anglo, quæ in pretio habita fuit virtutis artiſ-

artifque nomine apud Angliæ Reginas Mariam & Elisabetham.

SIMON STEVINVS siue Stephanus, Brugenfis, in Batauia vixit, Aggerum maritimorum, machinarumque, quibus terra à mari defenditur, præfectus, vir supra captum vulgarem in Mathesi versatus Adriani Romani iudicio. Scripsit *Arithmetica seu artem supputandi*, opus absolutum, qui inter alia Arithmeticæ vulgaris itemque figuratæ seu Cossicæ regulas proximque proponit, typis Plantini 1585. *Problematum Geometricorum libros quinque*; simili ordine ac methodo, *Hypomnemata Mathematica*, Amstelodami apud Lomelium Nicolaum 1608. *De portuum inuestigandorum ratione*, quam staticen vocant, Matheseos partem vt nobilissimam ita abstrusissimam, à Steuino de nouo velut exstructionem: cui operi quid statui possit par non video, inquit Romanus ad eod rei ponderariæ peritum fuisse vt nullum offerri illi possit pondus quantumuis graue, quod non paruis vitibus ac facili instrumento pantocratore mouere potuisset.

THEODORVS STYMPWICKIUS Carthusianus, dum in Brugenfi degeret Carthusia sibi *Schema quoddam* concinnauit, in quo pro maiori virtutis profectu, insignes aliquot *Monastica religionis prerogatiuas* ordine alphatico disposuit, quibus ex aduerso quàm perfidus, fallax ac vanus sit mundus (contraria quippe iuxta se posita magis elucescunt) quasi ex Diametro opposuit, in quo si quis nimias monasticæ religionis commendationes contineri existimet, is mihi consideret, quibus laudum præconiis B. Hieronymus, Bernardus, D. Thomas, Bonauentura, alique SS. Ecclesiæ Patres hoc angelicum vitæ genus extollant, maximè verò inspiciat Doctoris Alani de Rupe 30. prerogatiuas. Quid quod auctor ipse

ipse libens agnoscat se hæc pro maiori parte ex speculo morali Ioannis Vitalis S. R. E. doctissimi Cardinalis decerpisse, auctore nimirum graui, quo vel sic nouellos Christi Tyrones ad diuini numinis cultum ac rerum mundanarum fastidium posset inducere. quod in illorum idcirco gratiam lubentes hic adiecimus. Ita Theodorus Petreius in Bibliotheca Carthusiana.

THOMAS RINVS Brugenfis, vti testatur Dionysius Harduinus in citato iam sæpius suo de Scriptoribus Flandris volumine. Romæ *Orationem Latinam habuit ad Pium Quartum Pontificem*, quæ extare etiam dicitur.

WALTERVS MONACHVS, Patriâ Brugenfis. Scripsit *Librum de vita & morte Caroli Boni Flandria Comitis* ad Ioannem Morinorum Episcopum. Memoratur à Iacobo Meyero libro quarto Annalium in vita eiusdem Comitis. Walterum hunc eundem cum Galberto Brugenfi existimo, quem superius dixi eiusdem Principis vitam & mortem litteris mandasse.

WALTERVS ROTARIVS, vulgò Ramaker, Brugenfis, Ordinis Eremitarum S. Augustini, S. Theol. Doctor, vti Harduinus asserit; quædam scripsisse dicitur aduersus hæreticos. Item in *Orationem Dominicam, Salutationem Angelicam, & Symbolum Apostolicum* Flandricè. Sepultus est Brugis in sui Ordinis Ecclesia anno 1590.

VICTOR GISELINVS Santfordæ natus est, qui pagus Ostendæ proximus, 1543. 10. Kal. Aprileis. Primùm Brugis Flandrorum litteris humanioribus operam dedit, & Ioannem Gelrium Præceptorem habuit, vsus ibidem valdè fa-

militariter Arnol'do Laurentio Berchemio, ex cuius etiam schedis suas in Prudentium notationes locupletiores fecit. Postea ad grauius studium corripendum Louanium venit; vertente anno Parisios concessit, ubi in re medica occupato alter effluxit annus cum concitata seditionis aestus è Gallia, eum pepulit. Rediit itaq; Louaniũ habuit, ubi paulisper substitit; denique Dolæ apud Sequanos medici Doctoris titulum cœpit; Lipsio eum publicè laudante oratione nuper à Germanis edita, cum aliis tamen quæ ipsius non sunt, Giselinus verò animus ad humaniores litteras inclinabat magis, & libenter totum se iis vouisset, nisi obstitisset res angusta domi. quantum itaque per horas successiuas, & curas grauiore licuit, lectioni veterum Scriptorum, & præcipuè Christianorum Patrum se tribuit: quorum pietate erudità confirmatus stetit recto talo in his religionis iactatæ turbis, nec ab Orthodoxa & Catholica fide dimoueri ullâ ratione aut suasione potuit. Bergis S. Winoci annos plures vixit & medicinam facitavit. Obiit 1591. Obitus diem & horam quâ moriendum ei esset, litteris ad amicos missis ipse prædixerat. Scripsit *Commentaria in Aurelium Prudentium, Notas & Chronologiam in Seueri Sulpitij opera, Adagiorum Epitomen* è Iunio Gentio aliisque post Erasmum. Reliquit *Carmina varia, Preces Lyurgicæ, Emendationes in Ausonium*, & moriens ea Iano Lernutio legauit: è quibus Hymni aliaque Poëmata nuper Duaci edita sunt à Iacobo Lernutio Iani filio. Edidit quoque Giselinus emendatiorem librum Fernelij de Lue Venerea, eundemque Domino de Noortwijck inscripsit.

C A T A L O G V S

SCRIPTORVM BRV-

G E N S I V M.

- | | |
|--|--|
| A damus Manderius. | <i>Ægidius VVijtsius.</i> |
| Adreodatus à Mari-
uorda. | <i>Alexander Coloneus.</i> |
| <i>Adolphus Metkerckus.</i> | <i>Andreas Hoius.</i> |
| <i>Adrianus Balzin.</i> | <i>Andreas Ketellius.</i> |
| <i>Adrianus Chilins.</i> | <i>Anselmus Boetius de Boodt.</i> |
| <i>Adrianus Isebrandus.</i> | <i>Antonius Claua.</i> |
| <i>Adrianus Lopijs.</i> | <i>Antonius Delrio Societ. Iesu.</i> |
| <i>Adrianus Scrickeius Rodor-
nius.</i> | <i>Antonius Meyerus.</i> |
| <i>Adrianus Stratijs.</i> | <i>Antonius Schoonhouius.</i> |
| <i>Adrianus vander Burch.</i> | <i>Arnoldus Bartius.</i> |
| <i>Adrianus VVillartus.</i> | <i>Arnoldus Gerardus.</i> |
| <i>Ægidius Barbitonsorius Mi-
norita.</i> | <i>Bartholomæus de Brugis.</i> |
| <i>Ægidius Claiffsonius Pictor.</i> | <i>Bernardus Valdaura.</i> |
| <i>Ægidius Schomdonchus So-
cietatis Iesu.</i> | <i>Bonauentura Vulcanius.</i> |
| <i>Ægidius Gisperius Mino-
rita.</i> | <i>Carolus Ferdinandus.</i> |
| <i>Ægidius VVallius.</i> | <i>Carolus Gofwynus Soc. Iesu.</i> |
| | <i>Cornelius Henricus Mathi-
sius.</i> |
| | <i>Cornelius Scatius Medicus.</i> |
| | <i>Cornelius Adriani Minorita.</i> |
| | <i>Cornelius Baesdorpheus.</i> |

Dominicus Lampsonius.	Gualterus Episcopus Picta-
Ferdinandus Salinas.	uorum.
Ferdinandus Veranneman.	Guido Laurinus.
Fontigarius de Placentia.	Gulielmus Abselius Carthu-
Franciscus ab Astudillo Mi-	sianus.
norita.	Gulielmus Dominikel.
Franciscus Bricbouius.	Gulielmus Malinaus.
Franciscus Euerardus Mi-	Gulielmus Pamelius.
norita.	Gulielmus Taelboomius.
Franciscus Goetbalsius.	Gulielmus Zenocarus.
Franciscus Grotius.	Henricus Coesveldius.
Franciscus Lucas.	Henricus Prudens.
Franciscus Modius.	Henricus Zypæus Abbas.
Franciscus Poerbusch.	Hermannus Petrus.
Franciscus Rapardus.	Hubertus Audeiantius.
Franciscus Tantius Mino-	Hubertus Eyckius Pictor.
rita.	Hubertus Goltzius.
Gabriel Iansenius.	Hugo à Goes Pictor.
Galbertus Brugenfis.	Iacobus Blaseus Episcopus.
Georgius à Temsera.	Iacobus de Brugis.
Gerardus Brugenfis.	Iacobus Cruquius.
Gerardus Soetelinus Mino-	Iacobus de Ostenda.
rita.	Iacobus Fontanus.
Gerardus Veruustius Mino-	Iacobus Kimedoncius.
rita.	Iacobus Curtius.
Gisbertus Bahusius Carthus.	Iacobus Lernutius.

<i>Iacobus Pamelius.</i>	<i>Ioannes Memmelinck Piſtor.</i>
<i>Iacobus Plancius.</i>	<i>Ioannes Otto.</i>
<i>Iacobus Reuardus.</i>	<i>Ioannes Royardus Minorita.</i>
<i>Iacobus Rouſſeau Minorita.</i>	<i>Ioannes Stratanus.</i>
<i>Iacobus Stratius Societ. Ieſu.</i>	<i>Ioannes de Teſto Minorita.</i>
<i>Iacobus Typotius.</i>	<i>Ioannes Vaſæus.</i>
<i>Iacobus Veldius Auguſtinianus.</i>	<i>Ioannes VVaſianus.</i>
<i>Ianus Lernutius.</i>	<i>Iudocus Damhouderius.</i>
<i>Ioannes Alartus Minorita.</i>	<i>Lambertus Morinorum Epiſcopus.</i>
<i>Ioannes Alnoſius.</i>	<i>Lancelotus Piſtor.</i>
<i>Ioannes ab Arundine.</i>	<i>Leonardus Caſenbrotius.</i>
<i>Ioannes de Brugiſ.</i>	<i>Lubertus Hautſchiltus.</i>
<i>Ioannes Campionus.</i>	<i>Lucas Fruterius.</i>
<i>Ioannes Caſenbrotius.</i>	<i>Lucas VVijngaerdus.</i>
<i>Ioannes Caſtelius.</i>	<i>Ludouicus Carrion.</i>
<i>Ioannes Debrio.</i>	<i>Ludouicus Vmes.</i>
<i>Ioannes de VVitte Cubenſis Epiſcopus.</i>	<i>Marcus Gerardus Piſtor.</i>
<i>Ioannes Eyckius Piſtor.</i>	<i>Marcus Laurinus.</i>
<i>Ioannes Feninus.</i>	<i>Martinus Euerartus.</i>
<i>Ioannes Ferdinandus.</i>	<i>Martinus Hauwælius.</i>
<i>Ioannes Federicus Minorita.</i>	<i>Matthias Lambrechtus Epiſcopus.</i>
<i>Ioannes Glapionus Minorita.</i>	<i>Matthias Paulli.</i>
<i>Ioannes Iacobs.</i>	<i>Michaël Blommardus.</i>
	<i>Nicolaus Bucerus.</i>

78 CATALOGVS SCRIPTORVM.

Nicolaus Desparsius.	Petrus Gulielmus Minorita.
Nicolaus Drumæus.	Philippus de Maldeghem.
Nicolaus Romanus Soc. Iesu.	Remigius Driutius Episcopus.
Nicolaus Schoonhouius.	Richardus de Capella.
Nicolaus Sufius Societ. Iesu.	Robertus Brugenfis.
Nicolaus Mafius Minorita.	Rodolphus Brugenfis.
Odouardus VVestonus.	Rogerus Brugenfis Pictor.
Oliuerius Vredius.	Rogerus Iuuenis Augustinianus.
Opitius Adornius.	Simon Benichius.
Parfeualdus Bellighemius.	Simon Streuinus.
Paschasius Iustus.	Syluefter Pardo.
Petrus Burrus.	Theodorus Steenrichius Carthusianus.
Petrus Coluius.	Thomas Rinus.
Petrus Curtius.	Victor Gifelinus.
Petrus de VVitte.	VValterus Monachus.
Petrus Gerardus.	VValterus Rotarius.
Petrus Poerbusch Pictor.	
Petrus Pontanus.	
Petrus Verheyl.	

F I N I S.

AO 1669367